

RAISON  
DE VIVRE POVR  
TOVTES FIEVRÉS, CO-

gnues premierement par leurs  
differences, causes, signes,  
& symptomes, avec  
les prognostiques  
d'icelles.

Par maistre Iean Lyege medecin.

En fin sont brièvement & familièrement ex-  
posees plusieurs & diuerses sentēces touchāt  
la nature & prediction des fieures.

A P A R I S,


De l'imprimerie de M. de Vascofan,  
Rue S. Iaques, à l'enseigne  
de la Fontaine.

M. D. L V I I.

AVEC PRIVILEGE DV ROY.



72,205



THE NEW YORK

LIBRARY

ASTOR LENOX TILDEN FOUNDATION

150 EAST 57TH STREET

NEW YORK 17, N. Y.

1900

THE NEW YORK

LIBRARY

ASTOR LENOX TILDEN FOUNDATION

150 EAST 57TH STREET

NEW YORK 17, N. Y.

1900

THE NEW YORK

LIBRARY


ASTOR LENOX TILDEN FOUNDATION

150 EAST 57TH STREET

NEW YORK 17, N. Y.

1900

A TRESILLVSTRE ET  
 tresuertueuse Princesse, Ma dame An-  
 thoinette de Bourbõ, Duchesse douai-  
 riere de Guyse, perpetuelle felicité.

 A Dame, souuentefois re-  
 duisât à ma memoire une  
 incredible charité & bon-  
 té, delaquelle usez ordinai-  
 rement enuers un grand  
 nombre de pources infirmes, & malades re-  
 ceuz, traictez, & medicamêtez à uoz pro-  
 pres coustz & despens, i'ay bien uoulu  
 de ma part faire tout deuoir en mō estat,  
 pour uous y seruir en aucune sorte, si ce  
 n'est par presence, à tout le mois par quel-  
 que rescrit, & traual d'esprit. Or est que  
 sur toutes choses desirez iceux malades  
 estre nourriz & alimentez (de ce puis res-  
 moingner) methodiquement, & selon  
 que leur fieure, ou autre maladie requiert,  
 quoy qu'il couste: mais pource qu'en l'ab-

sence du cōseil, on pourroit quelque fois  
hesiter & douter de leur regime, & ma-  
niere de uiure, m'a semblé raisonnable,  
pour l'aduenir, prouuoir à ce, par un petit  
sommaire, & raison de uiure pour toutes  
fieures, cognuës premierement par leurs  
differences, causes, signes, & symptomes,  
qui est pour maintenant le présent, que  
vous puis offrir & presenter, ia soit peu  
digne de uostre haultesse, magnificēce &  
seigneurie: lequel toutefois pourra, soubz  
uostre nom, proufiter non seulement aux  
uostres, qui en leurs maladies ont à uous  
recours, mais aussi à plusieurs autres de-  
sirans iceluy de grand' affection, pour  
promptement extraire (le cas aduenant)  
leur regime, selon le genre de leur fieure,  
en attendant conseil. Certainement il est  
utile & necessaire, nō seulement au mede-  
cin, mais aussi à tous autres, de cognoi-  
stre la nature des fieures: ie dy necessaire  
au medecin, à fin de les curer selō la uraye  
methode:

methode : & à tous autres utile, à fin de se  
 contregarder , & de se rendre obeissans :  
 pource que la fieure est une maladie fort  
 frequente, & souuentefois ague : ou bien  
 conioincte avec quasi toutes maladies  
 agues, d'ou depend presque tousiours dā-  
 ger de uie. Plusieurs autres maladies bles-  
 sent seulement l'une des facultez, comme  
 la uitale, ou naturelle, ou animale : mais  
 ceste furieuse beste les debilité toutes, ou  
 depraue, ou abolit : les autres plus, les au-  
 tres moins : non seulement par sa uiolen-  
 ce & ferocité , mais aussi par la multitude  
 & grandeur de ses symptomes . Les Ro-  
 mains ( comme nous lisons ) craignans  
 ceste fieure, commela plus maligne ma-  
 ladie , qui peult courir sur les hommes ,  
 luy ont autrefois dedié un temple pu-  
 bliquement à Rome, l'ayans en singulier  
 reueréce , à fin qu'elle ne leur fust nuy-  
 sible & dommageable . Mais telles ceri-  
 monies n'ont lieu en uostre endroit : car

par uostre uie uertueuse, par un regime  
tant bien ordonné & obserué, faictes que  
ceste fieure tant redoutée, ne uous peult  
aucunement nuire, ne par anticipation  
garder de uenir au uray periode, & terme  
ordonné de Dieu. Lequel suppliray de tou  
tes les forces de mon cueur, uous donner  
grace (Ma dame) de tellement persueuer  
en ceste diuine charité, & à son saint ser  
uice, que finablement puissiez obtenir la  
ioye des bien heureux.

A Bar sur Aulbe, par

Vostre treshumble & trespobeissant  
seruiteur, Jean Lyege.

# DE FIEVRE, ET DOVBLE CHALEVR QVI est en l'homme.

**F**IEVRE est une chaleur estrangiere, & contre nature, laquelle uient & procede du cuer, & par le moyen des arteres & uenes s'espond par tout le corps, le tormentant griefuement, & troublant ses operations naturelles. Autrement.

Fieure est une commutation, ou conuersiõ de la chaleur naturelle, en une chaleur de feu. Autrement.

Fieure est une intemperie chaulde espandue par tout le corps.

**P**Ar ces definitions appert, que l'essence de la fieure gist, & consiste, en un genre de chaleur contre nature: & pour

parfaictement entendre ces definitions, il fault noter qu'il y a double chaleur au corps de l'homme: une naturelle, ayant son esſeſce au sang, & uaiſſeaux ſanguins: l'autre aſpre, corroſiue, mordante, & de qualite de feu. La chaleur naturelle cuit en l'eſtomach, ueines, & chacunes parties, la uiande qu'on prend. L'eſtragiere, & nō naturelle, corrompt les uiades, c'eſt à ſca- uoir les froides en qualite acide, & tirant ſur l'aigre: les chauldes, en qualite & o- deur eſtrange, comme de quelque choſe bruſlee: & faiet une tranſpiration chaulde & mordante, laquelle incontinent ſuſcite la fieure, par le moyen de l'aſtriction du cuir. Au contraire la chaleur naturelle faiet une tranſpiration ſuaue, & ſans mor- dication: & ne cauſe point fieure par a- ſtriction du cuir, mais ſeulement une re- pletion, & plenitude du corps biē diſpo- ſe par egale portion des bons humeurs. De ces deux chaleurs Galien en l'unzie-  
me



me liure de sa methode, parle en ceste sorte : Toutes choses subsistantes reçoivent uie, augmētation, uigueur, & santé, quād sont regies par leur propre & naturelle chaleur : laquelle au cueur des animaux garde & entretient la respiration , & aux autres parties la transpiration : tellement que si lesdictes parties sont bleſſees, & affectees, ceste chaleur naturelle ne se porte point bien. L'autre chaleur estrangiere, & non naturelle, tout auſſi toſt qu'elle ſe met , & inſinue au corps , premierement pourrit , & corrompt les humeurs , pour leur humidité, & en fin degaſte, & conſume tāt la greſſe, que la chair. Je diray plus oultre (pour plus grande intelligēce) qu'il y a double chaleur naturelle en nous : une mobile & coulante , l'autre fixe . La premiere prend ſon origine du cueur, & ſeſpand continuellement par toutes les parties, moyennant les artères, par leſquelles eſt conduicte avec les eſprits , & le ſang.

Ceste chaleur au commencement des accèz de fieures, se retire aux interieures parties du corps, au moyen de quoy les extremitèz pallissent, & deuiennēt froides: Au cōtraire en la uigueur des accèz, icelle reuient au cuir, & autres parties proches, avec les esprits & sang, dōt icelles parties deuiennent chaloureuses, & fort rouges. La chaleur naturelle que nous appellons fixe, est en toutes les parties quasi comme leur forme, & ame, leur donnant un principe uital: & consiste principalement en l'humidité radicale. Or est qu'en l'une & l'autre la fieure peult aduenir, quand se faiēt changement d'eux, en une chaleur de feu: & de là prouiennent principalement fieures diaëres, & hecctiques: la guérison desquelles se faiēt par la seule alteration, & reduction de ceste chaleur immoderée & brullante, à une modérée & temperée, comme nous dirons plus à plain, Dieu aydant.

## Des differences des fieures.

**I**En'ay proposé d'escrire entierement les differences de toutes fieures, mais seulement les plus propres & principales, prin-  
ses de la propre substâce desdictes fieures,  
qui n'est autre chose (comme nous auons  
predit) qu'une chaleur contre nature, es-  
pandue par tout le corps. Les differences  
donc principales des fieures, sont prin-  
ses: Premièrement de leur chaleur grande, ou  
petite: Secondement du mouuement de  
ladiète chaleur: Et tierciement de la ma-  
tiere en laquelle consiste ceste chaleur cō-  
tre nature: lesquelles trois differēces, Hip-  
pocrates a compris briefuement & do-  
ctement, en son sixieme des Epidemies,  
quand il dict: Aucunes fieures sont mor-  
dantes à la main, & comme naurantes de  
leur chaleur aspre & poignante, l'attou-  
chemēt du medecin, & telles sont bilieu-  
ses. Les autres sont gracieuses, & moins

molestes, cōme les Diaëres. Aucunes sont non pas mordantes, mais croissantes de plus en plus en mordacité, & aspreté mordante : ce qu'on peut cognoistre, quand on tient longuemēt la main sur le poulx, & celles prouiennent de pituite putride. Les autres sont agues, & du premier attouchement demonstrent leur commotion : mais peu apres defaillent, s'addoulcissent, & s'appaisent par le moyen de l'imposition de la main, laquelle rabat, & surmōte telle chaleur, & telles sont bilieuses, cōme Tierces, iouxte l'opiniō de Paul Aeginete. Aucunes tout à coup, & tousiours sont bruslātes comme caufons d'esté, que le uulgaire appelle chault mal, ou fieure chaulde. Les autres tousiours debiles, lentes, & seiches, comme celles que nous appellons Epiales. Aucunes sont par attouchement seiches, avec une adustion de lāgue, comme les Quarres. Les autres sales, cōme celles qui uiennēt d'un phlegme

me salé. Aucunes sont comme bouillonnantes, &, comme aiesne, poignantes le poulx du medecin:& telles sont les Synoches & bilieuses. Les autres horribles à uoir, comme pestilenciales, & hectiques. Aucunes sont humides au toucher, & selon la diuersité des humeurs, ausquelz la chaleur s'enflâbe, sont appellees, comme Tierces, Quotidianes, Quartes,& autres telles. Les autres sont grâdemét rouges,& palles,comme Synoches & bilieuses. Aucunes liuides, comme melâcholiques, & celles qui prouiennent de pituite crue. Quasi toutes ces differéces de fieures sont prinſes de la propre substance de chaleur febrile,& d'un accidēt propre & prochain à la matiere, en laquelle consiste la fieure. Autres differences uiennent d'un accidēt eſloigné, comme Intermittentes, Continues, Quotidianes, Tierces, Quartes, doubles Tierces, Erratiques, Periodiques, Nocturnes, Diurnes,& autres, desquelles par-

lerons plus amplement, quand particulierement à chacunes d'icelles ordonnerons uiure conuenable. Au reste les medecins, apres Galien, s'exercent communement es fieures prises de la matiere, en laquelle consiste ceste chaleur estrangiere & cõtre nature, comme en propres differences & principales de ceste chaleur, soit au cueur, aux humeurs, ou parties solides : & ce suffira pour la difference des fieures.

### Des causes de fieure.

Plusieurs assignent cinq causes efficientes des fieures. La premiere est, esmotion uehementente tant du corps, que de l'ame. La seconde, putrefaction d'ou procedēt fieures putrides. La tierce est, suppression d'une occulte transpiration qui se faiēt par les pores du cuir. La quarte est, attouchement de chaleur estrangiere, cõme

me de feu, ou medicamens caustiques: La cinquieme est, une mistion de quelque substance chaulde, avec une tempe-  
ree: car lors en l'alterant elle la mue, &  
tantost excite la fieure. Oultre ces causes  
efficiētes, sont les causes materielles, à sça-  
voir les espritz, les humeurs, & parties so-  
lides, esquelz s'enflambe la chaleur feбри-  
le, & de là prouiennent les trois premiers  
genres des fieures simples. Car si tost que  
ceste chaleur s'enflambe immodereemēt  
es esprits, la fieure que nous appellons  
Ephemere, est engendree, laquelle de sa  
nature n'a qu'un accez de uingt quatre  
heures. Le secōd genre de fieure est, quād  
es humeurs s'enflambe une chaleur im-  
moderee, & est appellee ceste fieure, pu-  
tride, pource qu'en icelle les humeurs se  
putrefiēt, ou dedans les uaisseaux, ou de-  
hors iceux: Si la corruption se faict dedās  
les uaisseaux de tous les humeurs, pro-  
uiennent lors fieures Synoches putrides:

Si d'un seul humeur prouient la cōtinue, cōme Tierce continue de cholere: Quotidiane continue de pituite: Quarte continue de cholere noire. Mais si la corruption des humeurs se faict hors des uaisseaux, s'engendre fièvre Interpolée ou intermittēte, ainsi appelée pource que son accez ne dure pas tousiours, mais a relasche & repos: & telles sont les tierces, quotidiannes, & quarts intermittentes. Le tiers genre des fièvres simples est, quand ladicte chaleur estrangiere s'enflambe es parties solides du corps, & de là prouiennent Hectiques, Marasmes, & Hectiques Marasmodales. Touchant la fièvre pestilentielle, elle est comprinse avec les fièvres putrides, ayant son origine de putrefaction: car l'air uitié & corrompu d'une uapeur putride & pourrie, corrompt les humeurs du corps.

. Des



## Des signes de fieure.

**L**Es propres & certains signes de fieure, sont cognuz par le pouls, & urines, immuez premierement par la chaleur, par le moyen de laquelle prouïennent aussi soit extreme, inquietudes, impatiences, resueries, & autres symptomes. Par iceux donc on peult cognoistre la nature des fieures, tât simples que composees: en obseruant diligemment la forme de la fieure par le commencement de l'accez, par l'accroissement, uigueur, declination, intermission, qualité de chaleur, & pouls. D'auantage on peult cognoistre la nature des fieures par choses qui souuent aduiennēt, comme par un acciez reuenāt par chacun iour, ou de trois, ou de quatre iours: à quoy seulement ayans esgard plusieurs, le plus souuent s'abusent, comme quand ilz appellēt celle qui reuiēt, & se relasche par chacun iour, une quotidienne: & tier-

ce, celle qui prend & delaisse le troisieme iour: car ilz iugent par telz signes & indices, deux tierces estre une quotidienne, & deux quintes une tierce. Parquoy fault plus tost cognoistre une fieure par sa forme & espece, q̄ par la reuolution ou proportion de l'accez. Je diray plus oultre, que n'est assez cognoistre la forme & espece de fieure, mais aussi la force du patient, & gr̃deur de la maladie. Ce qu'on ne peult faire aisement, mais avec longue experience, comme nous dirons plus à plain.

### Des quatre temps d'accez, & constitutions.

**P**Our bien & deuëment instituer le iure aux febricitans, est du tout necessaire la cognoissance des acciez, & des constitutions, & consequemment des temps d'iceux, qui sont en nombre quatre, c'est à sçauoir, le cōmencemēt, l'accroissemēt,  
la

la uigueur, & la declination: leſquelz tēps nous cōſiderons uniuerſellement, cōme aux cōſtitutions, & duration d'une maladie entiere: ou particulieremēt, cōme aux accez des fieures intermittentes. Exemple familier en fieure tierce. Le commencement d'icelle eſt, quand le febricitant cōmence à frifſonner, & ſentir froid aux extremitēz, ou concuſſion uehemente en pluſieurs parties. Car lors le ſang, avec la chaleur & eſprit, ſe retire au dedans du corps: & a ſoif le febricitant, & perſeuerē avec ceſte inequalité de chaleur & froid, iuſques à ce que le corps egalement deuienne chault: pēdant lequel temps il ne peut ſans offenſe uaquer à ſes accouſtumees affaires: plus toſt demande le liēt, & couuertures pour ſe couürir. Adonc le pouls eſt petit, dur, & abbatu pour deux ou trois heures, plus, ou moins. L'accroifſement eſt, quand le froid ſe remet, & le corps entre en notable chaleur, laquelle

sestend uers les parties exterieures : & lors le pouls est hault, uiste, & frequent. La uigueur est , quand la chaleur sestend egalement par tout le corps, & occupe iusques aux petites parties d'iceluy : le pouls perseverant cōme dessus. La declination est, quand peu à peu la chaleur descroist, & adonc sort par le cuir quelque uapeur , & souuentefois la sueur. S'ensuit apres integrité, repos, & intermission, en laquelle cesse toute chaleur , & reuient le pouls en son mouuemēt naturel. Ceux sōt les quatre tēps particuliers de l'accez des fieures intermittentes, distinguez principalemēt par la chaleur & pouls.

### Des quatre temps de constitution des fieures.

**L**A cōstitution ou duration de toute la fieure , est determinee & limitee par les quatre temps sus nommez , dictz universelz,

uerfelz, & diftinguez principalement par fignes de crudité & coction. Exemple en fièvre non fymptomatique, mais comme maladie : Le commencement eft d'icelle, tant que l'humeur (auquel confifte la fièvre) fera cru & indigeft. L'accroiffement eft, quand ledict humeur cru, commence à fe cuire & digerer. La uigueur eft, quād l'humeur eft parfaictement cuit. La declination, quād l'humeur & les fymptomes font diminuez. Par ainfi l'obfcure coctiō des humeurs, determine le commencement: la manifefte, l'accroiffemēt : la parfaicte, l'eftat & uigueur. Ainfi eft il d'un phlegmon : duquel le principe fera tant, que la partie f'emplira de fang : l'accroiffement, quand la fluxion celfera, & fe putrefiera le fang amafé, nō fans diftenfion des parties. La uigueur, quand la bouë fe formera avec plus grande fièvre & douleur. La declination fera, quand le pus & la bouë f'efcoulera, & fortira dehors. Et

conuient entendre le tout en fieures salubres: car les incurables & mortelles ne uaguent pas par tous les temps: car quelque fois iugulent le malade par leur malignité, au commencement: aucune fois à l'accroissement, le plus souuēt en la uigueur, iamais en la declinatio. Au reste les especes des maladies, & parties de l'an, nous demonstrent les constitutions.

Pourquoy reuiennent les accez des fieures intermittentes, maintenant tost, maintenant tard.

**L**Es fieures intermittentes remises & perdues en chacun accez, retournent à certain iour & heure, pource qu'après l'accez finy, demeure & reste en nous une disposition putrique, comme source & trace de la chaleur putride, & quasi comme un foyer, auquel le lendemain ou autre iour ensuyuant, de rechef s'enflambe,

flambe , se corrompt , & putrefie l'humour , lequel en partie auoit esté delaisé au premier accez , & en partie tombé & descendu des grands uaisseaux aux petits: & se faiët nouveau accez , tost , ou tard , pour la cōdition de l'humour. Car estant chault & humide, plus tost sera corrompu , que celuy qui sera froid & sec. Parquoy puis que un humour est plus prōpt, subiect , & exposé à putrefaction qu'un autre , il est raisonnable , que les accez reuiennēt les uns tost, les autres tard. Exemple: La melācholie est froide, & seiche, & par ainsi moins subiecte à putrefaction: & esmeut seulement nature le quatrieme iour. Le phlegme l'esmeut iournallemēt, pource qu'il a une cause de putrefaction, qui est humidité, & si abonde en nous. La cholere semblablemēt a une cause de putrefaction, qui est chaleur: mais pource qu'elle n'abonde en nous cōme le phlegme, seulemēt esmeut nature de iour à au-

tre. Pour ces causes diuersité de rigueur preuiēdra les fieures : comme la tierce, rigueur proprement dict: la quarte, horreur: la quotidienne, froid.

### Diuers retours d'accez.

**S**Ouuentefois les acciez reuiennent à une mesme heure. Aucunes fois ilz anticipent: quelquefois ilz retardent: souuentefois affligent par heures incertaines. Ilz reuiennent à mesme heure, pour l'imbecillité des facultez coctrice, & expultrice: car les excremens ne peuuent estre vaincus par la chaleur naturelle, ny estre deiectez par la uertu expultrice. Pour lesquelles causes greuent grandement par leur quantité ou qualité, la partie en laquelle sont deriuez & amassez: & se putrefient, pource qu'ilz ne sont esuētilliez: & acquierent une disposition putrifique, en la partie delaissee par le premier acciez. L'anticipation



pation d'accez uient pour une grande putrefaction, comme le retardement, pour une petite. Les acccez reuiennent sans ordre, & à heures incertaines, pour la multitude d'humeurs, ou pour une deprauee raison de uiure. Quand le sang se corrompt, une portion d'iceluy se conuertit en cholere, l'autre en suc melancholique: & par telle mutation d'humeurs, l'ordre des acccez est immué. Vn mauuais regime, & depraué uiure, tout ainsi qu'il cause maladie à gens sains, & aux neutres, une recidiue: ainsi causera il en maladie, acccez desordonnez, & qui resournent à heures incertaines. Ce peult aussi aduenir par un entrelacement de diuerses fieures.

### Du uiure des febricitans en general.

TROIS choses rendēt la medecine parfaite: la maladie, le malade, & le medecin, ministre de nature: cōme tesmoi-

gne Hippocrates en son premier liure des maladies uulgaires . Et pource qu'il y a perpetuel conflict entre le medecin & la maladie , il est raisonnable que le malade se ioigne avec le medecin , pour uirilement combattre contre ladicte maladie : autrement la curation sera nulle . Il est bié necessaire aussi , que le medecin soit diligent , & soigneux entre autres choses , du uiure conuenable au malade , à fin que la maladie ne prenne accroissement , & que la force du malade ne soit prosternee & abbatue . Deux choses toutefois fort difficiles à exactement obseruer : car d'autant qu'un uiure legier & de petit nourrissement , profite à la coction & curation de la maladie , d'autant plus il nuit aux forces & uertus du malade . Au contraire , un plein uiure , d'autant qu'il augmente les forces du malade , d'autant plus il empesche la coction & curation de la maladie . Or auant que proceder plus oultre , il cō-

uient

uient declairer que nous entendons par plein uiure , par uiure legier seulement, legier exquis, treslegier, & extremement legier. Hippocrates en son liure du uiure des maladies agues, & en ses Aphorismes: & Galien en ses Commentaires sur iceux, l'ont amplement enseigné, disans : Plein uiure estre celuy qui fortifie & augmente les forces du corps. Viure seulement legier, qui diminue les forces, nō toutefois iusques là, qu'il les prosterne: & est, quand nous baillons peu à manger, ou uiandes de petit nourrissement. Viure legier exquis est, quand nous donnōs quelque ius de ptisanne en petite quantité. Viure treslegier est, quand nous donnons un bien peu de ptisanne, ou du melicraton, que les Latins appellēt Mulsā, qui est un bruyage d'eau & miel. Viure extremement legier abbāt les forces du corps, & est quand nous ordonnons totale abstinence de manger iusques à la iudication de

la maladie. Pour bien & deuëmēt ordonner aux febricitans ces genres de uiure, fault diligemment obseruer la uehemen-  
ce de la maladie, & les forces du patiēt, &  
lequel des deux requiert plus prompts re-  
medes, à fin d'ordonner un legier uiure,  
quand les uertus seront fortes, & la mala-  
die de difficile coction: & au cōtraire, un  
uiure plein, ou les uertus seront imbecil-  
les, & la maladie nō rebelle à la cōcoctiō.  
Il ne suffit auoir esgard à la force & nature  
du corps, mais aussi à la distāce de l'estat,  
& uigueur de la maladie, pour estre cer-  
tain de la mesure du boire & manger, &  
quantefois, & en quel temps doit estre ad-  
ministré. Ce que pleinēmēt & amplemēt  
ledict Hippocrates nous enseigne au pre-  
mier liure de ses Aphorismes, quand il  
dict: Il conuient bailler incontinent &  
legierement à manger aux malades, des-  
quelz le mal est soudain en sa uigueur:  
mais ausquelz la uigueur doit apres sur-  
uenir,

uenir, à iceux en telle uigueur, & un peu deuant, fault oster & diminuer le manger : & conuient au parauāt plus fort māger, à fin que le malade puisse plus aisément supporter le mal : car quand la maladie sera en sa uigueur, lors fauldra user de uiure treslegier. D'auātage lors que la maladie est tresague, elle a incontīnēt extremes labeurs : parquoy est besoing d'user de uiure extremement legier : mais ou elle ne seroit telle, & conuiēdroit user de uiure un peu plus plein, d'autant fault il descendre du uiure legier, que la maladie fesslongnera de l'extremité, & sera plus remise. D'abondant il fault coniecturer, si le malade par le uiure qui luy est ordonné, pourra durer iusques à la uigueur du mal : ou bien s'il uient plus tost à defaillir, & ne peult durer avec ceste raison de uiure qu'on luy a ordonné : ou si la maladie se diminue au parauant, & deuient hebetee. Il fault aussi aduiser, ausquelz on doit

particulièrement offrir le manger , une fois,ou deux,plus,ou moins : toutefois il fault quelque chose attribuer à l'aage , au temps,à la coustume, & region. Sur tout il ne fault point bailler nourrissemēt durant l'accez: car il faiēt mal, & nuit. Et aux fieures,ou les acciez ont des retours & circuits,ne fault en iceux acciez bailler à māger . Par les prealleguez Aphorismes on peut facilement entendre, que le uiure legier, & de petit nōurrissemēt est salubre aux maladies bilieuses, lesquelles aduiennent & croissent subitement : mais aux pituiteuses,& melancholiques de lōgue duree,le peu plus plein au cōmencemēt:à la uigueur, & deuāt icelle le legier: autrement le malade meurt en telle maladie,ou cōtraincte est de luy bailler à māger hors temps & heure, & mesmement au plus destroict de la maladie,auquel est requis uiure treslegier , & totale abstinēce de manger.Tel est le uiure que Hippocrates

crates ordonnoit en ses Aphorismes aux feures & maladies agues, comme en region temperee, & aux homes temperez. Mais en ces regions non temperees, condescédons plus tost à un uiure plus plein, & suffisant: car nostre triple substâce n'est tant robuste & ferme, comme aux regiõs moderees. Parquoy nous aduison diligẽment de n'ordonner aux feures tresagues uiure extrememẽt legier, & sans nourrissement, sept iours durans, ne quatre aussi, à l'imitation de Galien, qui souuent en sa methode reprend les Thessaliẽs, lesquelz au commencement d'une feure ordonnoyent aux malades la diete de trois iours: dont le plus souuent aduenoit, que les febricitans estans de nature chaulde & seiche, tomboyent d'une feure Ephe-mere, en une Hectique. La raison de uiure que nous encerchons, n'est parfaicte par les indications susdictes, mais fault auoir esgard à la nature, complexion, aage, aux

coustumes, parties de l'ánee, sommeil, & autres: cōme amplement a declairé ledict Hippocrates en ceste maniere: Les uieilles gens, & les premiers qui succedēt à l'aage qui decline, portent bien le ieufne, & abstinence de manger: secondemēt, & apres eux, ceux qui sont en l'arrest de l'aage, declinans depuis trēte & cinq, iusques à cinquante ans. Les adolescens ne le peuuent faire aucunemēt, & sur tous autres les petits enfans ne se peuuent en aucune forte passer de manger: mesmement ceux d'entre eux qui sont plus uiuides, & prōpts à faire quelque chose: car les corps de ceux qui croissent, ont beaucoup de chaleur naturelle, dōt ont besoing de grād nourrissement, autrement le corps se pourroit resouldre & consommer: mais les uieux, pource qu'ilz ont peu de chaleur naturelle, ont besoing de petit nourrissement, pource q̄ par grand māger ilz pourroyēt estre esteincts, & suffoquez: dont aduiēt,

que



que de cés uieux les fieures ne sont point agues: car leur corps est froid. En yuer & au printéps les uentricules sont naturellement treschauds, & le sommeil tresslôg: parquoy leur cōuiét bailler plus de nourriture. Finablement le sommeil est de grande consequence aux fieures: car au commencement des accez, le sang & esprits, toute la chaleur naturelle, & les humeurs, se retirent, & assemblent au dedans du corps. Parquoy si les malades dorment au commencement des accez, ilz augmentēt la fieure, & tombent en plusieurs inconueniens, & durēt telz accidēs long temps, & à peine que les fieures paruiennent iamais à leur consistence. Vray est, que le dormir peult estre salubre à la declinatio particuliere, & uniuerselle de la fieure, à la uigueur, & fin de l'accroissement. Toutes ces choses premises seruiron grandemēt pour l'intelligēce de nostre scope & but: qui est donner certaine raison de uiure en

tous gères de fieures, sans laquelle en uain  
recourons aux autres remedes, pour uou-  
loir entretenir, ou recouurer santé. Et cer-  
tes la raisõ de uiure uault par trop mieux,  
que medicament aucun: imò c'est un tref-  
bon medicament, que le uiure donné bié  
à propos, & opportunément.

Raison de uiure en fieures Ephemerres:&  
de leurs causes, & signes.

**L**A raison de uiure, que no<sup>r</sup> encerchõs,  
consiste, comme nous auons dict, nõ  
seulemēt en quantité & qualité du boire  
& manger : mais aussi en tout ce qui se  
peult presenter à nous, ueuillons, ou non.  
Et quant au boire & manger requis aux  
Ephemerres & Diaires simplement dictes,  
pour parler en general, il fault qu'il soit  
exquis, de bon suc, facile à digerer, propre  
& conuenant à distribution. Car il n'y a  
celuy qui ne sçache, que mauuaises uiã-  
des,

des, & de dure digestion, prinſes oultre meſure & heure, nuifent grandement au corps. Le uiure que pretendons, doit eſtre ordonné ſelon la uertu, l'aage, la couſtume, & naturel temperamēt du febricitāt. Eſtāt donc iceluy picrochole, c'eſt à dire, de complexion chaulde & ſeiche, doit eſtre nourry incontinct en l'accez ſans attendre la declination d'iceluy: autrement tombera ſoudainement en une fieure putride & ague, & finalement en une hectique: comme ceux qui obeiſſoyent le temps paſſé aux Diatriſaires, c'eſt à dire à un tas de medecins ordonnās à leurs malades ieufner l'eſpace de trois iours. Les uiandes donc prinſes, rendent doulce, & moins mordāte telle nature chaulde, ſeiche, & aigre: comme orges mondez bien cuicts: bouillōs de poulets avec laiētues, pourcelaine, ozeille: petits poiſſons qui ſe tiennēt parmy les pierres en l'eauē, & uin blāc aigueux, ou claiſet delié, & bien trā-

pé:lesquelz oultre ce qu'ilz aydent à la digestion, ilz prouoquent les sueurs & urines, de l'opinion de Galien au huietieme liure de sa methode. Diray -ie le uin estre profitable aux natures chaudes, contre l'opinion d'Hippocrates, lequel en son sixieme des Epidemies defend le uin aux natures chaudes, non seulement en fièvre, mais aussi en santé: Refraischissement (dict il) potion d'eauë, & repos, conuiennent à la nature chaude. Il faut bien entendre ce passage: car il ne defend absoluëment le uin aux natures chaudes, ueu q'ailleurs il le permet aux fièvres agues, mais non autre que petit, & oligophore: c'est à dire aiguëux, & qui ne soustient point d'eau: & tel est permis aux Ephemeræ causées de constipation des pores, de trauail & lassitude, de douleur, soulci, & chagrin: ausquelles fièvres une grãde quantité des esprits est espuisee, lesquelz promptement peuuent estre reparez par le uin. Combien  
 que

que le defendons, quand y a douleur de teste, soit par ueilles, ou autres accidens. Car le uin trouble & tente promptement la teste: pour laquelle cause aussi defendons le uin aux Ephemerres causees d'une cholere, d'ũ courroux soudain uenu d'une furie, iusques à ce qu'elle soit passee, & appaissee: car lors le sang & les esprits sont enflambez. Aux Ephemerres d'apostumes il fault peu nourrir, & oster le uin iusques à la suppuration d'icelles: aux plethoriques aussi, esq̃lz n'est deperdue la substance du corps. A celles de labour & lassitude fault donner autant de uiandes, que le febricitant pourra digerer, pour euitier crudité: & touchant le uin il en fault donner selon qu'il le pourra matter & digerer, si les forces, la complexion, l'aage, coustume, partie de l'an, & region y consentent. On peult cognoistre toutes les susdictes fieures en general, par une chaleur douce & moderee, non toutefois propre: car

les fieures pestilenciales ne nous suggerēt point uehemēte chaleur. Quāt au pouls, il n'a aucun signe d'inflammation, ne cōsequemment d'inequalité en son mouuement, ou bien petit : combien que communemēt il est moindre & plus frequēt: & aucunesfois nonobstant plus esleué, cōme en ire & fureur, c'est à dire aux Ephemerres de ces causes. Les urines sōt semblables aux naturelles, ou bien peu s'en fault, communement bien colorees. En aucunes y a une nuee louable: en l'autre une sublimité au milieu, qu'on appelle Ençorema:aux autres hypostase & residēce. Le plus grād signe des Ephemerres est, une facilité d'endurer l'accez: car entre les autres fieures ceste-cy est tresbenigne, tresbriefue, & sans mauuais accidēs, lesquelz Hippocrates en ses Prognostiques attribue aux fieures agues. En la solution de l'accez le pouls est naturel, les urines louables, pour le moins meilleures, que au cōmen-

mencement de la fieure. D'auantage suruiennent à aucuns, sueurs comme d'esté, ou pour le moins une madeur, & uapeur humide : & cesse toute douleur de teste, ou d'autre partie, laquelle estoit suruenue des l'instant de la fieure : & ne frissonnent plus, mais ilz retournēt à leur pristine santé, la raison de uiure obseruee par eux comme dessus. Apres cela n'ont plus de fieure : mais un chacun retourne à son ouurage. Au surplus si nous uoulons particulièrement examiner les propres signes de toutes & chacunes causes des Ephemerres prises de chaleur, pouls, urine, couleur, habitude, & le uiure cōuenable à chacune d'icelles, telz pourront estre. La chaleur de ceux, qui ont fieure Ephemere de lassitude & trauail, est quelque peu plus grande & uehementie que des autres : la peau plus aride, iusques à la uigueur de la fieure ; pource que l'exercice deseiche le corps, & espuise son humidité : & d'autāt plus qu'il

est immodéré. Parquoy telle aridité en gens mediocrement fatiguez, durera seulement iusques à la uigueur de l'accez : & incontinent apres, une humidité, ou uapeur chaulde sortira du pfond du corps, & paruiendra au cuir. Et ce ordinairement uiét à tous, fors & excepté à ceux, qui ont immoderément trauaillé : car en telz perseuere ceste siccité, mesmement apres la uigueur de la fieure : car par la uioléce du trauail, & chaulde habitude du corps, l'humidité ou uapeur est espuisee & tarie. Au demeurāt, à ceux qui ont trauaillé oultre mesure, & mesmement au soleil, ou au froid, la peau demeure tousiours aride & seiche durant l'accez : car la chaleur & du soleil, & du grād trauail, dissipe la matiere de sueur, & le froid l'empesche de sortir. Par mesme raison, ceux qui ont fieure pour une grande obstruction, ne suent iamais en declination de leur fieure. Touchāt le pouls, il est en eux du tout diuers.

Ceux



Ceux qui se sōt oultre mesure exercez, l'ōt petit, à raison de l'imbecillité des forces. Ceux qui ont peu trauaillé, l'ont hault & fort. La raison de uiure sera resomptiue en prenant uiandes de bon nourrissemēt, mais en petite quantité, & souuent: car la uertu digestiue est debile, & ne peult digérer comme au parauant: parquoy uscront chair, comme perdreaux, poulets, chair de cabril, selon les parties de l'annee, testicules de coqs, qui n'ont encore hanté les poulles: moyeux d'œufs, pain de bouche, orge mondé, uin blanc aigueux, ou claret: & en buront selon leur portee & puissance. Au reste qu'ilz se reposent en toute tranquillité: en prenant, si besoing est, à la fin de l'accez un petit bain, ou estuues. La chaleur de ceux q̃ ont fieure pour ire & fureur, est plus grande, & sort incōtinent du profond du corps, & uient au cuir: parquoy est le pouls hault esleué, l'urine plus chaulde que enflambee: nulle

cauité es yeux , plus tost saillent dehors, pour les esprits en eux paruenus, faisans distétion : au moyen dequoy la face rougit, en laquelle les esprits & humeurs affluent, & avec iceux la chaleur yssante du profond du corps, & sestendante par iceluy . La raison de uiure en ceste fieure sera de bonnes uiandes, & de facile digestion. Touchant le uin, en buront, quand la fureur sera passce : autrement non . Au reste se doiuent resiouir. Le bain propre comme dessus . La chaleur de ceux qui ont fieure pour tristesse, soucy, chagrin, & forte péece, est plus moderee : seiche non obstant. Le pouls petit, l'urine plus enflée que chaulde . Extenuation & rabbais du corps plus grand, & selon l'esmotion : parquoy y a manifeste cauité d'yeux, siccité & descoulourement nō accoustumé . Le uiure comme dessus : le uin est permis, & toutes choses odoriferantes pour resiouir. La chaleur, pouls, urine de ceux, qui ont

ont fieure pour ueilles , font semblables .  
Cauité d'yeux , couleur palle , enflure &  
bourfoufflure de face , mouuement d'y-  
eux difficile , & en iceux grande humidi-  
té. Le uiure cōme deffus, de bonnes uian-  
des, digestibles, & humectātes : burōt uin  
sans crainte, si d'auēture ne sentent dou-  
leur de teste, ou douloureuse & fascheu-  
se pulsation es temples . La chaleur de  
ceux q̄ ont fieure pour l'ardeur du soleil,  
est plus uehementē au premier attouche-  
ment , toute fois peu apres s'adoulcit . La  
teste leur brusle , pour auoir esté descou-  
uerte, ou peu couuerte. Le cuir pl<sup>9</sup> chauld  
& sec que le pouls: parquoy ont moindre  
soif, que quand egalemeēt sentent cha-  
leur dedans & dehors. Les yeux plus rou-  
ges , plus chaulds & secz , s'il n'y a quāt &  
quāt coryze, ou un catterre causé de froid:  
desquelz accidens l'Ephemere est souuē-  
te fois symptome. Parquoy quand le chef  
est plein d'humeurs, l'ardeur du Soleil ré-

plit par quantité de ſang les ueines des yeux, de la face, du front, & des temples: & apres que les humeurs ſont fonduz, ilz excitēt en nous coryze & catterie, comme faiēt le froid apres qu'ilz ſont ferrez & eſtrains. . . Vſeront du uiure, comme deſſus, & ſelon leur ſoiſ, d'un uin aigieux, ou eauē pure. Le bain propre pour humecter & reſouldre la chaleur febrile, & les fumees engendrees de la chaleur exterieure. L'attouchement de ceux qui ont fieure pour froid & adſtriction du cuir, eſt de premiere rencontre moins chaud à la main bien experimentee: plus uehement au long taſtement. Le pouls non moindre qu'en ſanté: les urines moins iaunes: le corps plus plein, pour le moins il ne dechet aucunemēt: car l'adſtriction du cuir empesche la reſolution de l'humeur: par quoy les yeux ne ſont concaues, ne ſecz, plus toſt humides, & prominēs beaucoup plus, que l'habit naturel ne requiert. . Vi-  
ure

ure legier exquis cōuenable. Vin medio-  
clement donné. Au decours de l'accez il  
y a grande repletion, seignee & purgatiō  
propre. Finablement la chaleur de ceux  
qui ont fieure, pour quelque apostume,  
aux eines, aux aiscelles, au col, ou aupres  
des oreillès, est grāde iusques à l'estat & ui-  
gueur. Apres la uigueur suruient dehors  
du corps une humidité chaulde, douce  
toutefois & suaue, & non mordante. Le  
pouls treshault, frequent, egal. Les urines  
blanchastres, pource que la matiere qui  
doit colorer les urines, se retire uers l'apo-  
stume : d'auantage la chaleur moderee  
n'eschaufe point par trop le sang: dont s'é-  
suint qu'elle n'engendre cholere pour tein-  
dre lesdictes urines. La face est tumide, &  
fort rouge. Le boire & manger est defen-  
du iusques à la declination parfaicte du  
mal: le uiure sera refrigeratif & humecta-  
tif. Le uin defendu iusques à la solution  
du phlegmon. Par telz signes plusieurs

pourront extraire les especes des fieures Ephemerres, & suyure le regime ordonné, attendans conseil.

### Prognostiques en fieures Ephemerres.

**F**ieures Ephemerres de quelque sorte ou maniere qu'elles prouiennēt, sont salubres, de facile curation, difficiles non-obstāt à cognoistre: & si sont treffsimples, tresbenignes, non dommageables, sans mauuais accident, avec tous indices d'asseurance de briefue termination. Car de leur nature elles ne durēt, que uingtquatre heures, pource que la matiere, en laquelle consistēt (qui est l'esprit) est tantost dissipée & departie, & se terminent avec une sueur uaporeuse & suaue, aptes non-obstāt à se tourner & cōuertir en une fieure putride, ou hectique, felles sont negligemment traictees.

Causēs,

Causes, symptomes, & signes de  
fièvre tierce, raison de viure  
conuenable en icelle.

**N**OUS auons succinctement & en general declairé, quelles sōt les fièvres putrides, secōd genre des simples fièvres, & pourquoy ainsi appellees. Maintenant conuient particulièrement declairer les causes, symptomes, & signes d'icelles, avec le viure conuenable. Et premieremēt parlerōs de fièvre tierce: les causes de laquelle sont chauldes & seiches, pour augmentation de cholere: ieunesse entre autres fort bilieuse, raisō de viure accoustumee, par alimens chaulds, secz, en petite quantité, par abstinence de boire & manger: avec labour, soing, ueilles, lassitudes, tristesses continuelles, en air chauld, sec, comme en esté fort chauld, par medecines chauldes, seiches, par trop frequētes: toutes lesquelles causes engendrent non seulemēt

fieures tierces, mais aussi tierces continues,  
 caufes, & autres maladies choleriques, &  
 bilieuses. Ceste fièvre commence avec  
 grand rigueur, poignant le corps comme  
 chose fort ague, n'ayant les parties sensi-  
 bles, pour l'acuité de la cholere. Apres ce-  
 stuy rigueur, survient grande chaleur, com-  
 me un feu pur, sans caliginosité fumeuse.  
 Ceste chaleur est grande, & mordante à  
 l'accroissement de fièvre, afflige & brus-  
 le tellement le patient, qu'il est contraint  
 se decouvrir, & dejecter sa couverture,  
 beaucoup & souuent respirer: car lors icte  
 come flamme par la bouche: dont appete  
 un air fort froid, & potion froide. Alors  
 la chaleur est egale par tout le corps. Le  
 pouls au commencement debile, & petit:  
 à l'accroissement grand, uehement, sou-  
 dain, frequent, & chaud. Soif, sueur, vo-  
 missemens, ensuyuent ceste fièvre. Apres  
 avoir beu en temps & heure, survient au  
 cuir une vapeur grande & chaude, mes-  
 sagiere



fagiere de sueur, par tout le corps chaulde & bilieuse. Vomissemens, urines, deiections bilieuses: ueilles, douleur, & pesantueur de teste, courroux, desdaing de regarder, ou parler aux assistás: pũction sur la regiõ du foye, pour la commixtion de cholere auec le sang. Par tous telz signes on peult facilemẽt cognoistre une fieure tierce, le regime de laq̃lle doit estre tel. Il fault par toutes uoyes refraischir & humecter le febricitant, en le faisant inspirer un air froid & humide, reposer en lieu froid & humide: en gardãt d'entrer multitude de gens, car ilz eschaufent la chãbre de leur haleine. On doit souuẽt espãdre par la chãbre caue froide, cauerose, ou autre: ioncer la terre de fleurs, de roses & autres uiolettes: espãdre saulx, fueilles de uignes, blãc & iaunet d'caue, & telles autres choses.

D

## Viure conuenable.

LE febricitant prendra uiandes de faculté refrigeratiue , & qui ont uertu de humecter, comme sont laiëtues, con-côbres, courges, arroches, blettes, malues, patience, oseille: entre les fruiëts, cerises, prunes, meures : froumentee, orge mon-dé, panade, poissons qui se tiennët parmy les pierres en l'eau : uolailles , oyseaux de chair tendre, comme sont chapons, phai-sans, poulets, perdrix, pigeôs: & autres qui peuuent engendrer en nous bon suc, & non point augmenter la fieure: testicules de coqz : pieds , & cerueau de ieunes co-chons bien cuiëts : œufs mollets, le iaune principalement , lequel se cuiët & digere plus facilëmët que le blanc, & si il refraîf-chit mediocrement. Ceste raison de uiure conuient principalement aux delicats , si nous mesurons la forme du uiure à la cõ-stitution de la maladie, & uertu du patiët.

Car

Car à gens robustes, & de grosse uie, le uire legier est conuenable iusques à la iudication de la fieure, comme un orge mōdé, puisque les facultez & uertus peuuēt suffire iusques là. Au reste, le patiēt buira eue d'orge, ptisanne: eue cuicte avec peu de cannelle, pour l'estomac debile. Quant au uin, sera dōné ainsi que sensuit.

Quel uin est permis aux febricitans,  
& doutes aucuns sur iceluy.

Souuentefois grandes controuersies s'esmeuēt entre les medecins, sçauoir si le uin doit estre permis, ou non, en ceste fieure, aux natures chauldes & bilieuses. Les aucuns disent que non, alleguā l'Aphorisme de Hippocrates au sixieme liure des Epidemics, ou est dict: Refrigeration, potion d'eue, repos, conuiēt à la nature chaulde. Les autres au contraire permettent le uin, alleguans Galien au pre-

mier liure à Glauco: premier & cinquie-  
me De sanitate tuenda: ou il commande,  
que uin soit donné aux natures chauldes  
& bilieuses, disant iceluy estre propre  
pour moderer, & deiecter la cholere. Ilz  
alleguent cōsequemment Galien au hui-  
ctieme de sa methode, ou il permet le uin,  
suyuant l'opinion d'Hippocrates, non  
seulement aux fieures Ephemerres, mais  
aussi aux agues. Les autres disent: Puisque  
ceste grande soif prouient aux febricitās  
pour un default d'humidité, le uin n'est  
propre: car il ne humecte aucunement,  
plus tost il deseiche: & alleguent Galien  
au premier liure des simples, ou il dict:  
que le uin de plus en plus augmēte la soif  
au malade. Mesme au huiectieme desdicts  
simples, il afferme le uin estre chauld &  
sec: et au troisieme de sa methode, il le dit  
estre profitable medicament aux ulceres,  
pource qu'il deseiche. Pour accorder tel-  
les opinions, & lieux prealleguez, il fault  
enten-

entendre, qu'il y a un uin uineux, genereux, & puissant: & un qui est aigueux, petit, oligophore, & qui ne porte point d'eau. Le premier est defectueux aux natures chaudes & bilieuses, pource que de la chaleur il augmente la soif, & iamaïs ne l'esteint. L'autre est permis aux febricitans, duquel parloyent Hippocrates & Galien, quand le permettoient aux febricitans, aux lieux prealleguez. Parquoy si cestuy uin aigueux n'augmente iamaïs la soif: si est froid à la comparaison de l'autre, & n'eschaufe manifestement le corps: si bien peu de la substance se transmue en sang, sans aucun danger sera permis au febricitant, principalemēt à la declination de fièvre: & ne fault qu'il soit uieil, car de nature est chaud, quand y a force. Quāt au doute, si le uin humecte ou non, escoute qu'en dict Galien en ses commentaires du uiure es maladies agues: Le uin aigueux (dit il) est fort propre, pource qu'il fortifie

les facultez , il humecte le corps & humeurs , il trampe & ramoitit moyennement:imò au premier liure desdictes maladies agues , Galien foustient que cestuy uin refraischit , & humecte plus q̃ l'eaue . Oultre ce , il sert à la digestion, il prouoque les urines , & sueurs, cōme il tesmoigne au huietieme de sa methode. Quant à ce qu'il dict au huietieme liure des simples , & autres lieux , que le uin deseiche, en ce ne se cōtredit:car en ce lieu là il parle du uin, comme medicament , & qui a uertu medicale . Parquoy pour accorder ces passages au profit du patient , quand Galien parle du uin,cōme nourrislément, lors l'affirme humecter:mais lors qu'il en parle comme medicament, l'affirme deseicher , comme exterieurement mis sus ulceres : & ce suffira pour l'exhibition du uin.

Autres

## Aultres doutes touchant la chair.

ENTre les Arabes & aucuns modernes  
y a diuersité d'aduis & d'opinions,  
pour l'exhibition de chair en fieures tier-  
ces urayes. Aucuns disent, qu'il ne la fault  
aucunemēt permettre au iour de l'accez,  
ny au iour de repos: trop bien apres l'uni-  
uerselle declination : & telle est leur rai-  
son . Si aux maladies agues, lesquelles se  
doiuēt terminer en quatorze iours, le ui-  
ure legier est requis, & doit estre admini-  
stré au malade : pour plus grande raison  
aura lieu ledict uiure en fieures tierces  
urayes, lesquelles, selon Hippocrates, ne  
passent & n'excedent sept accez, qui sont  
treize iours. Parquoy plus tost leur sera  
proposé uiure de qualité contraire à l'hu-  
meur pechant, que ne se trouuerra en la  
chair, mais bien en herbes refrigeratiues,  
fruiçts, & semences . Les modernes au  
contraire permettent au febricitant un

bouillon de chapon, ou poulet, apres le  
paroxime, & au iour de repos non seule-  
ment ledict bouillon, mais auffi la chair:  
& disent qu'il n'est uiure plus profitable,  
ou salubre, qui robole plus tost nature, &  
qui plus promptement reduise le corps à  
sa temperature: & disent d'abondant, qu'il  
fault suruenir à double siccité, laquelle  
aduient au corps, l'une par le default &  
cōsumption de l'humidité naturelle, l'au-  
tre pour la cholere deseichant le corps: &  
qu'il n'y a rien plus familier à nature, ne  
plus propre & cōuenable que ledict bouil-  
lon, téperé d'herbes refrigeratiues, la plus  
grande portion duquel, se transmue en  
sang, d'ou prend son origine ceste humi-  
dité naturelle, laquelle doit humecter &  
refraischir les parties du corps. Ce n'est cer-  
tain au commencement de l'accez, car il  
peult retarder l'operation de nature: en-  
core moins en la declinatio, pource qu'il  
peult repoulser & reuoquer au dedans la  
cha-



chaleur febrile & estrangiere. Au iour de repos n'en fault faire aucun doute: car entre l'accez passé, & le futur, y a dixhuiet heures pour reposer nature; & pour se fortifier, pendant lequel temps se peult faire coction parfaicte des uiandes prinſes: ueu auſſi qu'autant y a d'interualle de temps auant le proche acciez. Ce ſuffira pour les bons eſprits, & qui condeſcendent aiſément à uerité, laquelle doit eſtre preferee aux cauillations ſophiſtiques, cōme poſſeſſion ſur toutes autres honeſte. Touchant les iours prealleguez par aucuns Arabes, ne peuuent en rien deroger à ce: car la forme du uiure doit eſtre prinſe & tiree de la conſtitution de la maladie, & uertu du patient: & fault neceſſairement nourrir ceux, qui ſont de nature chaulde, & ſeiche, & qui ſont maigres, graiſles, & d'une rare habitude, pource que les uertus & facultez de telz corps ſont prōptement affoiblies, & proſternees. Ceux qui

ordonnent le contraire, & qui administrent un uiure extrememēt legier en telles fieures tierces pures, font tomber les patiēs en un marasme, & fieure hectique, principalement ceux qui sont graisses, & de complexion chaulde, & seiche. Mais pour resolution du doute, uauldra mieux admettre Galien pour iuge en son premier liure des fieures à Glaucon, ou il permet les especes de chair prealleguees, en fieures tierces.

### Prognostiques en tierces urayes.

**L**A fieure tierce exquise, & qui est faite de simple humeur & cholere pure, se termine pour le plus tard en sept accèz. La tierce, entre autres fieures intermittētes, est treslague, & tresbriefue, mais aussi elle est fort mansuete : car elle est sans danger & peril. Les plus grands accèz sont de unze & douze heures. Les pl<sup>9</sup> petis

tis de quatre & six: le tout pour la quantité, qualité, & esmotion de l'humeur. Tierces d'esté se terminent plus tost que celles d'yuer. L'urine du febricitant demōstrera signe de coction au tiers iour, ou pour le moins au quatrieme. Si au commencement, & au premier iour apparoit une hypostase cōtinue, nō dispersee, egale, la fieure sera pure, & tressimple, & de briefue solution & termination. Si l'urine au premier retour de fieure est roussastre, ou iaunastre, moyennemēt espeffe, en laquelle bien peu apres est ueu une nuce blanche, ou eneoreme, la fieure ne passera & n'excèdera quatre accez. Si l'urine est rousse au premier iour de la fieure, sans aucune nuce, ou eneoreme, s'estendra la fieure iusques à sept accez.

Causes, symptomes, & signes de fieure tierce nothe, & non uraye.

**F**ieure tierce nothe prouient de deux humeurs meslez, & en mesme lieu pu

trefiez, cholere, & pituite : les causes desquelz ne fault ignorer : quant à celles de cholere, auons ia touché un peu deuant : cy apres en traictant des fieures quotidianes, declairerons les causes de pituite par trop abondante en nous. Ceste fieure est familiere aux ieunes gens, blancs, pleins, & en bon point, d'un grand repos, & assouuy, & qui s'addonnent à yurongnerie & baings. Elle assault avec horreur, frisson, & tremblement. Chaleur y est moins euidente, qu'en tierces urayes, toutefois plus manifeste, que non pas aux quotidianes. Le pouls moindre, plus tardif, & rare : lequel s'endurcissant de iour en iour, promet longue fieure : s'amollissant, le contraire. Souuent pour non obeir aux medecins, la ratelle encourt tumeur. Les hypochondres sont pleins de uens, & cruditez. La face decolorée, enflée aucunemét, & bouffie. Les urines au commencement crues : nulz uomissemens bilieux : peu de sueurs,

ſueurs, ſeulement quelque humide uapeur ſuruenant à tard, & n'appaiſant la fièvre: ce que aiſément on peult cognoiſtre par le pouls.

### Raiſon de uiure en tierces nothes.

**O**N ne doit propoſer uiure au febricitant, qui puiſſe entierement rafraîſchir & humecter, mais aucunement eſchauffer & incifer: car l'humeur eſt glueux, gros, uiſqueux, & non grandement chaud, comme en fièvre tierce pure. Et pource que les accez ſont longs, & durent quelque fois un iour entier, on ne donnera à manger iournellement au febricitant, mais ſeulement de iour à autre, ſelon les intermiſſions de fièvre, ſi d'auenture l'imbecillité des forces, ou quelque autre choſe ne le conſeille & requiert. En ce faiſant nous procurerons ce bien de ne deſtourner nature de ſon operation, & de n'aug-

menter la maladie. Fault au surplus donner à manger, selon que la grandeur & longi-  
tude du mal, & que les forces robustes ou imbecilles requerrōt: quoy faisant, la  
maladie n'accroistra, & ne perdra force & uertu le patient. Mais il est bien difficile  
de garder l'un & l'autre. La diete, d'autant  
qu'elle sert pour la coction de la maladie,  
d'autant, ou plus, elle nuit aux forces &  
puissances du corps. Le nourrissement de  
tant plus qu'il augmente la force corpo-  
relle, de tant plus il empesche les conco-  
ctions. Parquoy, le tout bien considéré, la  
diete aura lieu, là ou force corporelle se  
trouuerra, & la maladie resistera. Au cō-  
traire, on nourrira largement, & liberalement,  
ou les puissances du corps infirme  
seront imbecilles, & la maladie non grā-  
dement rebelle. Bouillons de uolailles,  
chaudeaux de facile digestion, orges mō-  
dez, laiētz d'amandes, panades conuien-  
dront. Volailles, oyseaux de chair tendre,

un peu deuât ordónez. Pour só boire, eaue d'orge, ou eaue cuicte avec peu de cinamome, hyfopce, origan, spica nardi, & autres uretiques, moyennant qu'ilz ne soyét trop chauldz & secs. A la declination de la fieure, uin blanc, ou claiet aigueux, & oligophore. Vin d'absynthe peult estre profitablement donné apres le septieme iour, & que la matiere crasse & uisqueuse de la fieure sera incisee par medicamens conuenables.

### Prognostiques en tierce nothe.

**F**ieure tierce nothe est longue de foy, & principalement si le uiure est mauuais & depraué. Elle peult durer depuis l'automne iusques au printemps, nō sans danger de mort. Les accez excedét douze heures sans chaleur grande. Quand les urines premierement crues, commencét auoir meilleure cōsistence, quand l'accez

diminue, quand le pouls s'amollit, toutes ces choses nous demōstrent rouverte, & solution de fièvre.

### Causes, symptomes, & signes de fièvre quotidienne.

**C**Ause de fièvre quotidienne pure & simple, est tout ce que peut engēdrer en nous pituite copieuse. Chaleur imbecille d'estomach, des intestins, & ueines mesaraiques, distribuant au foye principalement froid, un chyle & suc indigest, & à demy cuit. Temperament froid & humide, naturel, ou acquis, avec petis uaisseaux: enfance froide & humide, par uieure immoderé, & mouuemēts desordonnez: uieillesse froide, & par quantité d'excremens, humide, temps d'yuer, region froide & humide, air nebuleux, & caligineux. Vie sedentaire, & demeuree en oisiveté, yurongnerie, gulosité, crudité: sommeil



meil profond , & long , principalement apres pleine repue: bain frequent, incontinét apres le past: ou bien en banquetât, laquelle coustume est familiere aux dames de ce climat.Repletiõ de choses froides & humides: d'alimés pituiteux,& qui engendrent en nous un suc cru , & gros sang,comme pain mal leué, mal cuiët,tât au four,qu'en l'estomach. Chair de porc, parties nerueuses d'autres animaux,comme pieds, oreilles , uentricules , boyaux, glandules, balaine, carpes, anguilles,seiches,moruë, limaces : tout laiëtage. Vin nouveau , uin uineux & genereux prins excessiuemét,& en trop grande quantité: car combië qu'il soit chauld & sec de soy, s'il est prins oultre mesure & mediocrité, il engendre en nous pituite , & maladies froides, cõme paralyfies, apoplexies, epilepsies , & autres. Tel humeur pituiteux engendré en nous , se putrefie aux premieres ueines , ou dernieres : dehors les

uaisseaux , en la chair mesme des uais-  
 seaux,ou autres parties:ou bien aux gran-  
 des capacitez de l'estomach,des intestins,  
 du cerueau , poulmon , & autres parties.  
 Pour signes d'icelle fieure, on sent au pre-  
 mier attouchement du pouls une chaleur  
 uaporeuse & humide,plus tost que mor-  
 dante, combien qu'on la sent ague par un  
 long attouchemēt. Elle commence avec  
 froid , avec horreur , plus tost qu'avec ri-  
 gueur. Le pouls inegal, desordonné, sans  
 arroy , petit , debile , tardif au commen-  
 cement de l'accez,à l'accroissance plus ue-  
 hement, plus grand,plus hastif, toutefois  
 obscurement, comme manifestement en  
 fieure tierce : car le pouls d'une quotidia-  
 ne de tant plus est moindre , que le pouls  
 de quarte , que le pouls de quarte moin-  
 dre, q̃ celui de tierce. Brief, le pouls d'une  
 quotidienne, trespetit, rare, & fort tardif:  
 d'une tierce, tresgrand, treslegier, & tres-  
 frequent : d'une quarte,petit, tardif, rare.

Les

Les urines de quotidiene, au commencement blâches, tenues, aigueuses: en apres, espesses, troubles, & quelques fois rouges, pour l'imbecillité du foye, & ueines. Elle s'esmeut, & s'enflambe à grâde difficulté: car l'humeur (auquel consiste) est froid & humide de nature, & souuentefois uisqueux & glueux. L'accez plus long que celui de tierce, l'intermission impure, retenant tousiours l'indice du putride humeur: qui est cause, que le cōmencement de l'autre acciez s'auance de beaucoup: car le reliqua des acciez, haste, & augmente les acciez qui doiuent retourner. Par ainsi peu de quotidiennes paruiennēt à un uray & entier repos: ueu mesmemēt que sueurs ne prouiennent aux premiers acciez: combien qu'avec le temps ilz se demonstrent. Vomissemens pituiteux, deiections pituiteuses, froides, humides, aigueuses, crues, puisque le corps du tout est farcy & remply d'humeurs cruz. L'estomach est

interessé, pour l'abondance des cruditez, & d'une tardiue digestion, dont s'engendrent eructations acides, & qui tirent sur l'aigre. Alteration n'y est grande: on ne voit le patient se deiecter, se descourir, ne respirer beaucoup, & souuent: n'appeter eau froide, comme en fièvre tierce. Fièvres quotidiannes sont fort frequentes en ces regions froides & humides, proches de Septentrion, accoustumées (pour l'air froid) à un plein uiure, fort cru, & excrementeux. Au reste, on peut facilement discerner & separer les quotidiannes d'avec la double tierce, en obseruant les especes d'une & d'autre, & les causes grandement differentes, sans les symptomes.

### Raison de uiure en quotidiannes.

UN grand discord s'est esmeu entre les Arabes, de l'exhibition du uiure en fièvre quotidienne. Et à mon iugement seroit

roit chose trop longue, & d'auantage fastidieuse au lecteur, de rememorer telle diuersité d'opinions. Parquoy, en ensuyuant Galien, attentif icy, non point à la fièvre, mais à la cause d'icelle, qui est un humeur pituiteux, froid, glueux, visqueux, lequel conuient subtilier & inciser, proposeray une raison de uiure, laquelle incisera & attenuera, sans chaleur manifeste, principalement ou la fièvre seroit grande. Galien ordonne au patient boire de son oxymel, lequel nettoye & incise grandement tout ce qu'est glueux, & faict uoye pour purger & deicter ceste pituite, par conduits expediens & conuenables. Il commande sur tout qu'on aye esgard à l'estomach, pour l'humeur qui s'y attache, au moyen duquel encourt crudité, inflation, & tension. Parquoy il ordonne en autre lieu uiâdes chaudes: entre autres, poyure, rue, aniz: & pour le reste du uiure, il nous renuoye aux communs scopes du uiure, les-

quelz sont prins de la force corporelle, des tēps de la maladie, des causes, & symptomes. La force corporelle, & temps de la maladie, nous limitent la quantité des uiandes: les causes & symptomes, la qualité. Parquoy si la uertu est forte, aurons egard à la maladie, aux causes & symptomes: si au contraire elle est debile, aurons egard à elle pl<sup>9</sup> tost qu'aux autres. Certes, le tout bien considéré, l'erreur n'est grād, pour lequel la maladie acquiert forces; mais bien pour lequel la uertu corporelle est prosternee & abbatue. Parquoy on ufera d'un uiure legier au commencement par sept, ou huit iours: au progres, & auuācemēt de la maladie, d'un plein uiure, comme aux maladies longues: en l'estat, & deuant l'estat, d'un uiure legier exquis. Bouillons de chapons, ou poullletz, conuiendront avec borrhache, hyssope, menthe, persil, poulieu, & autres: en luy defendant uiandes fort humides, comme poissons

sons recens, fruiçts recens, laiçtages : car comme auons predict, il fault que la diete decline à l'incisiõ de la maladie, tât qu'elle sera crue, & y aura oppilation, & tensiõ aux uaisseaux. Orges mondez, laiçts d'armandes conuiendront, œufs mollets, capres, oliues : uin blanc, ou claiet, car il a uertu de digerer, d'ouurir, & prouoquer les urines pour l'euaçuation de l'humeur susdict.

### Prognostiques en quotidianes.

**F**ieure quotidiene est longue, & non sans danger. Vn uomissement naturel au commencement de l'accez, & sueurs en fin, signifient briefue maladie & salubre. En ceste fieure y a quasi continuelle douleur d'estomach. Tout le corps est plein d'humeurs cruz. Esternuemens frequens, apres la uigueur de fieure, sont entre bõs signes. Enflure de iambes & pieds,

ne demonstre rien de mauuais, combien que lors fault defendre au febricitant une trop grande repletion.

Que lon doit moins nourrir en quotidianes, qu'en tierces simples.

**N**Ous auons dict, que le uiure se doit administrer selon la force & uertu du febricitant, la maladie ne contreuenât à ce: oultreplus, que le but & scope du uiure doit tendre à l'entretienement des forces. Parquoy ou elles sont debilitees, il est besoing ( pour l'entretienement d'icelles) d'un plus grand nourrissement, que quād elles sont moins affoiblies, si la maladie le permet. Or est il certain, qu'en fieures tierces simples, la uertu est plus abbatue & debilitee qu'en quotidianes: parquoy il est besoing de plus nourrir en icelles, puisque la maladie le permet. Car le malade est un iour tout entier, & une nuit, sans



sans fieure, & peult reposer tràquillemēt. Aux quotidianes aduient autrement: car la fieure afflige tous les iours, & le plus souuēt quād l'un des accez n'a cessé, l'autre suruiuent, & s'y trouue bien peu de repos: encore tant petit soit il, on uoit par experience qu'il n'est sans esmotion interieure, laquelle prepare le febricitant au futur accez. Parquoy il est de necessité nourrir le malade, auant le premier accez finy: ou en ceste esmotion & commencement de l'autre accez: ce, ne fera iamais un sage medecin. Cela donc fauldra faire, c'est à dire, le nourrir à la declination de l'accez. Or auons nous le conseil d'Hippocrates sur ce, qu'il fault petitement nourrir, quand l'accez n'a cessé: & au contraire, pleinement, quand le corps est sans fieure. Par ce peult on inferer, qu'il fault moins nourrir en fieures flegmatiques, qu'ē cholériques. D'auantage l'estomach, les intestins, & ueines mesaraiques de ceux qui

ont fièvre quotidienne, sont pleins d'excremens pituiteux, lesquelz ne peuuent estre mieux consommez, que par un uiure legier & subtil, lequel se peult estendre iusques à sept iours, pour l'incision, attenuation, & consumption des matieres. Touchant la distance, & prochaineté de l'estat, qu'on pourroit alleguer, à ce parauant auons respondu: & conuient entendre, qu'il ne fault en toutes fieures ordonner raison de uiure selon la distance de l'estat, mais seulement en celles, esquelles y a danger dedans quelques iours. Or est que la fièvre tierce pure (cōme nous auons dict) est sans danger. La quotidienne, non: pour raison duquel danger & peril un uiure legier & subtil doit estre administré, par le conseil d'Hippocrates, au premier liure des maladies agues. Finablement, pour resolution de ce doute, Galien (auec lequel i'ayme mieux bien dire, qu'auec testus & opiniastres errer) en son liure à Glaucon, ordonne

ordōne aux tierces urayes, uolailles, œufs, testicules de coqs, & poissōs certains: aux quotidianes, un uiure incisif, qui moins nourrit, que les choses susdictes.

Causes, symptomes, & signes de fieures, Epiale, & Lipayre, avec la raisō du uiure.

**C**ES fieures sont du genre des quotidianes: l'Epiale est rare, diurne, rebelle, & qui ne se pert aisément: familiere aux femmes, qui ont coustume de boire grande quantité d'eau, manger immoderémēt de tous fruiets. Les febri-citans sentent au dedans du corps grand froid, & au dehors, chaleur. Elle est causée d'une pituite acide, ou uitree, ou bien d'un humeur cru, en partie pourri & corrompu dedās l'estomach, ou foye, ou ratelle, ou autre uaisseau: & en partie, non. Les uapeurs prouenās de la partie putride, aux exterieures parties du corps, exci-

tent chaleur. L'autre partie qui n'est encore pourrie ne corrompue, aussi tost qu'elle est agitée, elle cause au dedans frayeurs & frissons: ce que parauant ne faisoit, cōme familiere au lieu ou elle residoit.

La fieure Lipayre pareillement est causee d'une pituite uitree, mais elle n'est uisqueuse, glueuse, ny espeisse: plus tost aigueuse, meslee avec cholere: laq̃lle quand se corrompt en quelque interieure partie, elle excite chaleur: & les uapeurs, qui fortent au dehors, promptement sont refroidiz pour leur petit effect. Parquoy les extremittez du corps endurent froid, & l'interiorité brulle: qui nous denote quelque grande & continuelle inflammation dedans les uaisseaux. Hippocrates en ses Aphorismes faict mention d'un tel genre de fieure, qu'il appelle Ardēte pernicieuse: En fieures continues (dict il) si les parties exterieures sōt froides, & les interieures brulent, & les febricitans ont soif, il est

est mortel. Galien sur ce passage l'interprete en Causons pernicioeux, ou fieures fort malignes, comme sont les Lipayres, auxquelles cōuient uiure legier, & subtil: car la chaleur estrangiere souuentéfois s'augmente, & accroist de la moitié, pour la transpiration empeschée. Vn uiure refrigeratif conuiédra, en y meslant choses aperitiues, & qui puissamment incident. Aux Epiales fault un uiure plus plein, car elles ne sont tāt perilleuses, puis que seulement la chaleur estrangere afflige les parties externes.

### Causés, symptomes, & signes de fieures quartes.

**C**Auses efficiētes de fieure quarte sont l'humeur premierement melancholique froid & sec: cōplexion melancholique, natiue, ou acquise: l'aage declinant depuis trente & cinq, iusques à cinquāte

ans: L'autōne naturel, c'est à dire inegal, quand il est du matin, uespre, & de nuict, froid, & sec: le reste du iour, chauld & sec. Vn printemps semblable à l'autonne: region froide & seiche: cōdition de uie triste. Vſance quasi ordinaire de beaucoup d'alimens, lesquelz engendrent gros suc: comme sont pain noir, pain de seigle, lētilles preparees en quelque sorte que soit, febues, & autres leguminages. Chair de chieure, de bouc, de beuf, de sanglier, de cerf, de lieure: & principalement chair d'asne, de chameau, de chien, de regnard: chair fallée, uieil fourmage, mesples, cormes, auellanes, tronchets de choux, artichaux durs, limaces, uin gros & noir, biere, ceruoise. De toutes ces & autres causes, accroist en nous un humeur melancholique, lequel corrópu hors les ueines, & distraict par les parties sensibles, engendre une quarte intermittente. L'humeur s'enflambe petit à petit, comme une pierre,

re, ou autre corps froid & sec: mais ou il a ietté sa flamme, il ne laisse rien enfumé, ou à demy brulé apres l'accez: parquoy l'intermission de la fieure est pure & nette. Souuëntefois le febricitant est splenique, & a une rate imbecille, & enflée, de nature, ou par un depraué uiure, engendrât en luy plusieurs cruditez, lesquelles remplissent & farcissent l'estomach, le foye, la rate, & ueines mesaraiques de uentositéz, & pituite, de laquelle en ces régiōs froides, addōnées à nourrissement excessif & cru, prouiennent maintes fieures quartes aux enfans, femmes, & autres non melancholiques à ueoir, mais blanchastres, uomissans & rendans par bas quelquefois, une pituite grosse, espesse & uisqueuse. Mais il fault entendre que tout humeur gros & espez (selon Galien) est aucunemēt mélancholique. Ceste fieure cōmence avec petite rigueur, ou plustost avec froid, tel qu'on sent par les grandes geles d'yuer:

combien qu'à l'augmentation uniuerſelle ceſtuy froid, ou horreur, accroißt en telle ſorte, que le patiét diët en tous ſes os, & chair ſentir & endurer peine, & refrigeration grande, & ce pour la peſanteur de l'humeur chargeant & ennuyant les mēbres. Vray eſt, que la chaleur n'eſt tant uehement cōme en fièvre tierce. Le pouls au commencement de l'accez, eſt comme lié & retiré au dedans, tardif & rare, ſemblable à celuy des decrepits & uieillards, quelque choſe que le febricitant ſoit ieune. A l'augmētation, & l'eſtat legier & frequent : retenant toutefois pour lors ceſte tardité & rareté, à fin d'eſtre ueu beaucoup plus tardif & rare, que celuy de tierce : ains apres l'accez encore plus tardif & rare. Bref le cōmencement, l'accroißement, l'eſtat & la declination ne cōuiennent en aucune ſorte avec la fièvre tierce, touchāt rigueur & pouls. Les urines ſont blanches, aigueuſes, aucuneſois eſpeſſes, aucuneſois



nefois crues. L'affliction de ceste fieure egale à celle de tierce, toutefois se trouue plus longue, pource qu'elle est faicte d'un humeur froid. Les sueurs à la declination, mediocres, sans uomissement, lequel auons dict estre propre aux tierces.

### Raison de uiure en fieures quartes.

**L**A raison de uiure d'une pure & uraye quarte, cognue par les causes, symptomes, & signes susdicts, doit plustost humecter, qu'eschauffer, puis que l'humeur melancholique est plus sec, que froid. Et d'autant que ceste maladie est chronique, un uiure legier ne conuiendra, si ce n'est uers la uigueur: cōbien que si le malade est corpulent, gros, & gras, pourra user de legier uiure les trois p̄mieres semaines, à son grand profit. Le uiure donc conuiendra, qui engendre bon suc: car tel entretiēt & augmente les forces, lesquel-

les doiuent longuement durer, & corriger  
de la substāce le gros sang. Pour ceste rai-  
son oiseaux de bon suc, comme perdrix,  
chapons, poullers, & autres uolailles pro-  
fiteront: & nō oiseaux de riuieres, de ma-  
rais, ou marescage: car telz sont excremē-  
teux, & engendrent grosses humeurs, &  
sont de dure digestion. Poissons saxatiles,  
c'est à dire, qui se tiennent parmy les pier-  
res en l'eau, sont bōs, & de bō suc. Chair  
de ueau, mouton, cabril, selon les parties  
de l'annee: & plustost le boullu que le ro-  
sty. Chairs de porc, & de beuf sont de-  
fendues, & autres uiandes glueuses, uif-  
queuses, froides, & seiches. Au progrez  
de la fieure, capres, & oliues, sont permi-  
ses, & non au cōmencement: car l'usance  
d'icelles peult agiter & esmouuoir cestuy  
humeur melancholique, gros, & espez, le-  
quel esmeu peult d'auantage oppiler, &  
augmenter la fieurē. Galien permet pois-  
sons salez, & moustarde, en tāt, & pour le  
regard

regard qu'ilz extenuēt les humeurs gros, & glueux, & cōsument l'humidité superflue. Vn uin blanc delié, moyennement fort, & chaloureux conuiendra: car de sa ténuité, atténuera la grosseur & espaisseur de l'humeur melancholique: il aydera la digestion, & prouoquera les urines & sueurs. Galien loue grādement boire iournellemēt eaue avec le poiure, cōme chose qui humecte, & eschaufe mediocremēt.

La quarte prouenāt de melancholie par adustio de cholere (on la cognoistra quād la tierce aura precedé, en temps d'esté, ou autōne) requiert uiādes refrigeratiues au commencement: parquoy laitues, melons, courges cōuiēdront, oultre les defusdictes uiandes. Vin trāpé d'eaue d'orge, ou eaue cuicte. On doit prédre refection quatre ou cinq heures auant l'accez: aux autres quartes, fault s'abstenir de boire & māger le iour de l'accez. La fieure quarte prouenant de melācholie par adustion

du sang, requiert un uiure declinant moderémēt à chaleur, & humidité: car ceste melancholie n'est tant froide & seiche, que les autres.

### Prognostiques en fieures quartes.

**F**ieures quartes d'esté pour la plus part sont briefues: celles d'autōne lōgues, mesmemēt celles qui paruiēnent iusques à l'yuer. La fieure quarte (dict Celsus) n'esgorge personne: l'anciēne bien à peine se perd auant le printemps. Entre les intermittentes la quarte est tresslōgue, mais sans dāger. Vne quarte suruiēt quasi tousiours aux fieures erratiques, mesmement si l'autōne est proche. La quarte de soy est sans danger, & guerit grādes maladies, comme Epilepsie, melācholie, Spasme. Vne quarte longue, & diurne delaisse oppilation, douleur, & durté, en la ratelle. I'ay ueu (dict Galien) pour la  
rate

rate affectee, une grãde & griefue quarte, & telle faict mourir les hõmes, pour l'hydropisie suruenue. Les quartanaires tombent peu souuent en conuulsions: mais si auant estre surprins de quarte, tombẽt esdictes cõuulsions, ilz guerissent, la fieure quarte leur aduenant. Brief, celuy qui est tourmenté de cõuulsion & distension de nerfz (si la fieure suruient) il en est guery.

Causes, symptomes, & signes de Synoches putrides, & fieures continues.

**N**Ous auõs dict, que quand la corruption des humeurs se faict hors les uaisseaux, fieures intermittentes sont engendrees, desquelles auõs assigné les causes, symptomes, signes, & raison de uiure. Quand pareillemẽt la corruption de tous les humeurs, ou d'un seul se faict au dedans des uaisseaux, prouiennent synoches putrides, & autres continues. Et quant à

la synoche putride (ainsi est dictée à la différence de celle, laquelle est du genre des diaires) elle a un seul accèz depuis le commencement, iusques à la fin: cōbien qu'elle afflige ou egaleme[n]t, ou elle accroist, ou elle decline. Elle est causee, quand en tous les vaisseaux (grands principalemēt) tous les humeurs egaleme[n]t sont corrompuz: ce que coustumierement aduient, quand la chaleur febrile estant dedans le corps, est enclose, & arreistee, par une uehementesteipation: car toutes choses chaudes & humides, ayans transpiration difficile, promptement sont corrompues. Parquoy ce genre de fieure ne suruiuent aux gens graisses, ny à ceux qui sont de froide complexion, mais à ceux qui sont naturellement sanguins, chaloureux, corpulens, charnuz, & pleins d'excremens chauds. Le pouls est uehement, soudain, frequent, egal: la constitution de l'artere ne trop dure, ne trop molle: combié que  
le

le pouls paruient iusques à telle fréquence & celerité, que faict la fièvre à sa grâdeur. On n'appërçoit iamais en ceste fièvre interpolation, cōme aux autres continues, ausquelles suruient quelque sensible remission, non toutefois integrité, & solution, comme aux intermittētes. Au reste, les continues affligent ou iournellement, ou de trois iours en trois iours, ou de quatre en quatre, pour la diuersité de l'humeur corrompu es uaisseaux. Car si la cholere seule se pourrit & corrompt es uaisseaux, elle causera une tierce continue, laquelle aura son exacerbation aux iours impers, esquelz la pure cholere s'esmeut: consequemmēt, si la pituité se putresce es uaisseaux, aduiendra une quotidienne continue: si la cholere noire, une quarte continue. Ces genres de fièvre continue, iamais ne paruiennēt à integrité & solutiō; qu'elles ne soyent du tout rompues. Parquoy il n'y a indice, ou signe de fièvre cō-

tinue plus certain, q̃ pas une d'icelles ne uient à intégrité, que du tout entieremēt ne cesse. Elles ont autres signes cōmuns avec les intermittentes, tant pour la matiere commettant la fieure, que pour les causes qui amafsēt & augmentēt en nous telle matiere. Parquoy une fieure tierce continue, ou ardēte, aura tous signes d'une tierce uraye, hors mis qu'elle ne prent son homme avec rigueur, & ne se termine avec repos. Semblablement une quotidienne continue aura tous signes d'une quotidienne uraye intermittente, hors mis qu'elle ne laisse point. Ainsi est il d'une quarte continue.

Causes, symptomes, & signes d'une  
fieure ardente.

**L**A cause d'un uray caufon, ou fieure ardente (oultre les causes à luy cōmunes avec urayes tierces) est une sanie aigre,



gre, & bilieuse, attirée des ueines, lesquelles sont deseichees par un chauld esté. Car tout ainsi que nous, destituez de bonnes uiandes, prenons les mauuaises, ainsi les ueines d'une partie, ou du corps total, grãdement deseichees, attirent les humeurs bilieux des parties charnues, & engendrēt un caufon essardé, quãd par tout le corps la cholere est attirée & dispersee : ou non alteré, quand en quelque partie est tirée, cōme en l'estomach, uētricule, poulmon, & en autres parties, lesquelles pource ne peuuent aisément causer soif. D'auantage ceste sanie bilieuse, attirée par les ueines deseichees, non seulement peult causer une fieure ardente, mais aussi quand elle est poulsee & deiectee d'une, ou plusieurs parties robustes en une imbecille. Brief, la cholere cōtenue avec le sang aux capacitez des uaisseaux, & de qlque cause que soit enflambee, principalement aux ueines du uentricule, foye, poulmon, en-

gendre un caufon, & une rigueur, quand elle eft efpâdue par les parties folides, fenfibles, & charnues. D'abondât ceste cholere regorge par les ueines du cerueau, & meninges: excite refueries, principalement quâd la fieure eft en fa uigueur: ou bien quand elle eft fichee & enforcie tant au cerueau, que meninges, peult engendrer frenesie. Vn long chemin, exercice immoderé en air chauld, trop grâde foif, profonde cogitation, ufance de uiandes chaudes, iours caniculiers, font ennombrez entre les caufes externes. Quant aux signes & symptomes, une fieure uehemente (pour l'humeur bilieux) laffitude ulcereuse (pour l'acuité & ueheméce de l'humeur) la langue feiche, afpre, noire, mordication à l'étour de l'estomach, ou foye, ou poulmon: deiection liquide, palle, (pour l'abondance de matiere crue) foif uehemente, & intolerable (pour chauld & ficcité) refueries (pour la cholere efleuee

uee au chef) difficulté de respirer, la bouche ouuerte, amaritude d'icelle (pour la tunique interne de l'estomach, cōmune à la bouche) ueilles, inquietudes, & autres telz. Vne fieure aguë du cōmencemēt, petite rigueur, difficile souffrāce, grande soif, uomissemens, petite sueur au front & clauicules, au reste du corps point, grādes resueries, tristesses, crainte, froid des piedz & mains, accēz aux iours pairs, & le plus souuent au quatrieme, grands travaux, sueurs longuement froides, les extremitēz liuides, urines noires, & en petite quantité: constipation de uentre, nulle ou bien petite eruptiō de sang par le nez, & autres telz signes sont pernicioeux iouxte l'opinion d'Hippocrates.

### Raison de uiure en fieure ardente.

**O**N ordōnera au patiēt uiādes ayās uertu de rafraischir, & humecter, cōme

pourrôt estre laiçtues, ozeille, pourcelaine, courges, bouillôs de uolailles, alterez par les herbes susdictes. Orges mondez, laiçtz d'amâdes, & autres de telle faculté, mêtionnees par cy deuant. Pour son boire aura Hydromel, eaue cuiçte, ou eaue d'orge, eaue fraische, pure, auât la coçtion selon l'opinion des modernes, combien que le plus seur est de permettre ladicte eaue, apres auoir ueu certains signes de côcoçtiõ par les urines. Certainemêt telle potion d'eaue fraische dõnee en temps deu, & au temps qu'il fault, esteinçt l'humour bilieux: imò d'icelle le plus souuêt sont curees fieures ardentes, tout ainsi que quelquefois par excretion, par sueurs, uomissement, & flux de uentre. Au reste, le patient sera mis en lieu frais, exposé à uêt suaue: iõcees, fueilles de uignes, saulx, seront espâduz parmy la chambre pour alterer l'air, lequel quâd est attiré aux poulmons & cueur, il les rafraischit, & mode-

re l'ardeur de la fieure. Finablement sera mis en un liēt grand & large, à fin qu'il se puisse tourner ça & là, & muer de place quand sera de besoin.

### Prognostiques en fieures ardentes.

**F**ieure ardente est de briefue termination, & ne peult estre prolongee, pour ce que nature ne peult endurer prolixité, ne la fascherie & greuāce des symptomes & accidens terribles. En fieure ardente, si la rigueur suruiēt, c'est guerison. Treblemens faictz en fieures ardētes, s'appaisent par resueries & alienation de sens. Fieure ardente d'esté, & en ieunes gens, n'est à craindre tousiours: car une grande chaleur irrite souuēt la matiere, & promptement la rompt & dissout. Signes de concoction ueuz en fieure ardente, signifient qu'elle terminera par l'une des quatre crises, c'est à sçauoir par uomissement,

ou par flux de uentre, ou par sueur, ou par flux de sang. Vn Caufon quelque fois fe termine par abfcez: un uray, raremēt : un nothe & non uray, par parotides .

### Caufes, fymptomes, & fignes de fieure Hectique.

**Q**Vand la chaleur eſtrangiere, & cōtre nature ſ'enflambe, non ſeulement aux eſprits & humeurs, mais aux parties folides, & principalement en l'humeur naturel d'icelles, ſ'engendre en nous fieure horrible à ueoir, dictē Hectique, pource qu'elle cōprend tout le corps, & occupe les parties folides d'iceluy. Elle ſuccede le plus ſouuent aux fieures agues, & ardentes, mal, & nonchalamment penſees : comme pour non auoir donnē, en tēps deu, potion d'eaue froide, à gēs principalement choleriques, graiſſes, & maigres : pour non auoir appliquē remedes reſrige-

refrigeratifs au thorax, & hypochondres, cōme pourroit estre le Cerot de Galien : ou plus tost, pour auoir excessiuement eschaufé & deseiché telles parties par une ieusne de trois iours, s'uyuāt l'ordonnance des Diatritaires: ou pout auoir appliqué cataplasmes dilatars, eschaufans, & attirans (comme uantose) les superfluittez du corps aux susnōmees parties, durant telle fieure ague, seule, ou avec inflammation de foye & d'estomach. Secōdement fieure Hectique peult uenir pour une grande & longue tristesse, pour ire, & courroux, pour grande lasseté encourue par l'ardeur du soleil: & est ceste cy du cōmencement semblable à la fieure diaire, & se peult facilement curer: autrement, si par faulte & ignorance du medecin ceste fieure uient à tomber en un marasme, & qu'il soit confirmé, non seulement sera chose difficile à curer, mais impossible. Tiercement hectique marasmodale, ou

tabide, succede aux maladies de poulmons, & poictrine, cōme à phthisie, empyeme, & longues inflammations de foye, de uentre, des rongnons, de la uessie, & matrice, & des intestins ars & bruslez par longue dysenterie, lienterie, ou diarrhoe: durās lesquelles passiõs & maladies, tout le corps, & principalement le cueur, est deseiché: & deslors se forme une petite fieure, laquelle petit à petit, & par succession de temps deseiche le cueur entierement, & imprime en iceluy une chaleur febrile, difficile à rompre. Pour signe sera l'artere plus chaloureuse beaucoup, que les parties prochaines & circōuoisines, esquelles apparroist chaleur modérée, apres que le corps principalement est rarefié, & despesy, par quelque asperſion d'eau, ou autre liqueur, à fin q̃ quelque humeur sorte de luy, & que la chaleur se puisse exhiler: combiē que la chaleur de l'artere demeure tousiours en son entier



entier apres ceste perfusion & perspiratiõ. Le pouls petit, graisle, debile, obscur, dur, frequent, plus fort toute fois, & plus hastif une heure ou deux apres le past, tout ainsi que la chaleur plus grande, laquelle toute fois en toutes hec tiques au premier attouchement semble estre moderee, & remise: mais peu apres se trouue aigre, poignante, mordante, crasseuse. L'accez egal sans horreur, & sans grand froid des extremittez. L'hec tique simple & seule, sãs fièvre putride, quasi tousiours aduient à ceux qui sõt d'une nature chaulde, & seiche. Elle uient aussi de courroux, tristesse, crainte, soing, ueilles, labeur, ardeur du soleil, & d'un uiure trop legier, commençant en forme d'une diaire: mais apres les uingt quatre heures elle ne se termine, ne uient à integrité, cõme la diaire: plus tost festẽd iusques au secõd & troisieme iour, sans souspeçõ d'un acciez de tierce. L'hec tique suruenant aux fieures ardẽtes pro-

longees, ou mal curées, a son commencement confus : la plus grande portion de l'humidité du cuer est cōsommée. L'héctique tabide, proche à un marasme, est facile à cognoistre : car auāt qu'attoucher le poulx, on uoit les yeux desmesurément concaues, pour leur humide substance, & substantieuse humidité desia cōsommée : tellement qu'on uoit la saillie, le surpassement, & eminēce des os, ausquelz sont ioīctes & attachées les paulpieres. Es yeux mesmes y a une chassieuseté, & comme ordure seiche & squalide : tout ainsi qu'on uoit en ceux, qui ont cheminé tout un iour par l'ardeur du soleil, & poulsiere. La naïfue couleur de la face depdue : la peau du front seiche, aride, & tendue. Les paulpieres malaisément se tiennent ouuertes, & clinotent d'enuie de dormir : combien que le dormir n'est leur mal, mais plus tost une infirmité, insuffisance, & impuissance de dormir. Les muscles temporaux deuien-

deuiennent secs, retraicts, & concaues. Brief ilz n'õt que la peau & les os. Qu'on regarde leur uentre desnüé, on iugera qu'il n'y a ne boyaux, ne uiscere aucun. Les hypochondres, comme par une conuulsion, sont retraicts iusques à la poictrine : quāt à la peau, elle est merueilleusement aride & seiche, & si l'estendez avec les doigts, la trouuerrez rude & haslee comme cuir.

### Raison de uiure en fieure Hectique.

**I**L conuient user de uiādes ayans faculté de rafraischir & humecter, comme sont orges mondez, laiçts d'amandes, bouillons de poullets, corrigez avec laitues, pourcelaine, ozeille, endiue, borra-che, espinars, & autres semblables. Chair de faisans, chapons, cheureau, oyseaux de montaignes, testicules de coqs, œufs mollets, fourmage recent non salé, poissons saxatiles. Cerises, prunes, melons, gre-

nades, & autres de telle faculté. Fault prendre peu & souuent: car la uertu foible & debile ne peult uaincre ne digerer grand quantité de uiandes prinſes à une fois. Pour le boire, eaue froide, ſi le patient a accouſtumé d'en uſer: ou eaue boullue avec peu de cinamome, ou bien quelque uin blanc aqueux, ou claiſet, delié & ſubtil. Quant au laiſt, il profite merueilleuſement, pourueu que quelque ſieure putride ne ſoit annexee. Le laiſt de femme doit eſtre preferé: ſi le patient l'abhorre, qu'il uſe de laiſt d'aſneſſe, ou de cheure nourrie d'herbes froides & humides.

### Prognostiques en ſieure heſtique.

**V**Ne heſtique ſimplement dictée, eſt curable. Vne heſtique tabide, ou maraſme, bien à grand peine ſe peult iamaiscurer. Vne heſtique annexee avec ſieure putride, eſt de cure difficile. Quand  
l'heſtique

l'hectique suruient à quelque inflammation du diaphragme, elle abbat & faict mourir le patient, auant que d'estre parfaictement formee. Quand les ongles sont crochus, l'hectique est en son estat & uigueur: quand les cheueux tombent, la mort est proche, & encore plus proche, quand un flux de uentre suruient: quand les iambes sont enflées, impossible est de plus uiure.

Causes, symptomes, signes d'une  
fièvre pestilentielle.

**A**V parauant auons annombré la fièvre pestilentielle entre les fièvres horribles à uoir. Elle est du nombre des putrides & continues, mais maligne sur toutes autres. Les principales causes d'icelle sont un air infecté, par une putride exhalation, comme des corps morts nō brulez, non enterrez: d'un estang ou marais:

de quelq̄ ordure, ou saleté des prochaines regions pestilentielles, amené avec pluye, ou uent. Quâtité d'humeurs amassez par un depraué uiure, & prest à pourriture & putrefaction, comme quand l'animant pour bié petite occasion encourt ceste fieure pour raison de l'air uitié : & ne suffit l'air estre infecté, si premieremēt n'y a preparatiō au corps, c'est à dire, s'il n'est plein de diuers excremens, preparez à toute putrefaction : car la maxime est, que la plus grande portion de la generation des maladies, est la preparation & l'habilité du corps, lequel doit patir. Cruditez pour une uie oisifue, pour ebriété, comessatiō, & paillardise immoderee, engendrent en nous telz excremens. Vn air desmesurément chauld & humide, est annombré entre autres causes. Dont Galien en tēps pestilentioux purgeoit fort les corps excrementeux : il deliuroit toutes obstructions, & deseichoit les corps trop humides:

des:il conseruoit & entretenoit les secz,& temperoit les trop chaulds : & par ceste precaution mettoit en seureté les hōmes de ne point perir de peste . Ceste fieure le plus souuent pour noz demerites , est enuoyee de Dieu , comme lisons au cinquieme chapitre d'Ezechiel. Pour sym- ptomes & signes seront, froid des exte- rieures , & chauld des interieures parties : pesāteur de tout le corps, lassitude, lasche- té, faitardise , courte haleine : douleur & pesanteur de teste,angoisse,& tristesse:in- clination à sommeil, regard espouuanta- ble , prostration d'appetit,grande soif,tē- sion de uentre & hypochondres,amertu- me de bouche,pouls frequēt, petit,& pro- fond. Vrines comme de iumēs, troubles, espesſes,& fetides : bubons ou carboucles derriere les oreilles, ou soubz les aiscelles, ou es cines,sans cause manifeste.

G iij

RAISON DE VIVRE  
Raison de uiure en fieures  
pestilenciales.

**L**E patiēt, pour l'instauration des esprits, usera de bonnes uiandes, & de facile concoction : faisans, chapons, poulets, preparez avec ozeille, uerius, ou suc de limons : car pour precaution d'icelles fieures, conuient user avec les uiandes, de quelque uinaigre, de choses aigrettes, comme uerius, limon, orāge, cytron. En esté on peult user de buglosse, endiue, laictue & ozeille: en yuer, de saulge, persil, hyssope, ache, mariolaine, melisse. Au reste il est bon, que le patient māge souuent, peu toutefois. Nous auons ordōné aux autres fieures putrides, & agues, un uiure legier, à fin que nature fust forte pour uacquer puissamment à la cōcoction de la matiere de la maladie: en fieures pestilenciales, nous aduison diligemmēt de n'ottroyer combat entre nature & l'humeur pechāt,  
à fin



à fin que nature ne succombe, cōme sou-  
uent aduient. Le patient s'abstiendra de  
boire, manger, dormir, durant la sueur,  
apres laquelle (selon la force & uertu) pré-  
dra son repas. Au premier iour (s'il est  
possible) on le gardera de dormir, par con-  
fabulations, dehortations, trepinement,  
uellication d'oreilles, nez, & cheueux.  
L'air de la chambre doit estre quatre ou  
cinq fois le iour euantillé, corrigé par  
perfuns, & choses odorantes. On peult  
changer de chambre, pource que l'air par  
la continuelle habitation est uitié, & ne  
peult aisément estre purifié. Les fene-  
stres doiuent estre exposees uers Aquilō.  
Quant à la nuit, la fault uaincre par lu-  
miere: car les esprits & humeurs sont re-  
uoquez au dehors par le moyē de la clar-  
té & lumiere. Quant au boire, eaue d'or-  
ge, eaue de fōtaine boullue, & selō aucūs  
un uin uerdelet, & aucunemēt aigret.

RAISON DE VIVRE  
Prognostiques en fieures  
pestilenciales.

Toutes fieures pestilenciales tendent à fin mauuaise & incertaine: elles ont accidens terribles & fraudulens. Celles sont grandement mortelles, esquelles le patient est en cōtinuelle paour, & de iour en iour desdaigne la uiande. Au cōtraire, celuy qui ne se soucie point, & qui a tranquillité desprit, en prenāt uiandes, le plus souuent eschappe: combien que la chose n'est pas trop asseuree: car on en a ueu au quatre & cinquieme iour aller & uenir, boire & manger, & toutefois bien tost apres deceder. Quand l'haleine est puante & fetide, la mort est proche: car telle puanteur prouient d'une grande putrefaction, laquelle saisit le cuer. Vne face liuide, noirastre, tachetee de diuerses couleurs & macules, denote mort proche. Vrine fetide sans hypostase, est mortelle: combien

combien que si longuement ainsi perse-  
uere, & le patient est encore fort, la mala-  
die sera longue. Vrine totalement ai-  
gueuse, & puante, mortelle. Flux de uen-  
tre fort fetide, & de diuerses couleurs,  
auant signes de concoction, dangereux.

Sueur froide aupres de la teste & col,  
menace de mort, si la fieure perseuere.

Vomissemens fetides, de couleur de  
poireau, ou de couleur noire, d'agereux.

Toutes macules & pustules inconti-  
nent leuees, & plus tost mussees, portent  
signification de mort.

# PLVSIEVRS ET


## DIVERSES SENTENCES

de la nature & prediction des  
fieures , familièrement &  
succinctement exposees.

Par M. Jean Lyege Medecin .

*Fieures quartres d'esté sont briefues pour la  
plus part: celles d'automne longues, quãd  
principalement paruiennent iusques à  
l'yuier.*

*Aphorisme 25. 2 liure.*

 ON seulement la fieure  
quarte , mais aussi toutes  
maladies sont courtes en  
esté : pource que les hu-  
meurs superflus & uicieus  
espādus & fondus par tout le corps, pour  
la

la chaleur du soleil, sont prōptement cō-  
 sommez & dissipez, quād les pores & cō-  
 duiçts sont ouuers. Parquoy ceux qui sōt  
 forts & robustes recourent aisēmēt san-  
 té & guarison, apres que les mauuais hu-  
 meurs sont uidez : mais ceux qui sont  
 foibles & debiles, à l'euacuation de ces  
 malings humeurs, se sentent abbatus, &  
 meurent pour la plus part. Au contrai-  
 re, en yuer les humeurs engrossiz, de-  
 meurent cachez dedans le corps, pour les  
 pores restrainçts, & fermez du froid : &  
 les forces naturelles demeurent fortes &  
 robustes. Parquoy lors les maladies ne se  
 terminent prōptement, pour la residē-  
 ce & resistance des humeurs mauuais &  
 malings : & ne meurent les malades, pour  
 les forces naturelles suffisamment puis-  
 santes & robustes.

*Si le corps de ceux qui ont grand' fièvre, n'a-  
 maigrit point, ou bien s'il diminue plus que*

*de raison, c'est mauvais signe : le premier signifie maladie longue: l'autre, debilitation du patient.* Apho.28.2.

**L'**Espeſſeur du cuir, & groſſeur des humeurs, rend la maladie lōgue, & faiçt que le corps demeure en un eſtat, & ne diminue point, ueu la uehemēce de la maladie. Au contraire, rarité du cuir, tenuité d'humeurs, & foibleſſe des forces naturelles, ſont cauſes, que le corps tout à coup eſt emmaigry, & plus que de raiſon emacié, pour une diſſlation & tranſpiration inſenſible.

*Vn impetueux flux de ſang, de quelque part qu'il aduienne aux febricitans, il eſmeut le uentre, quand ilz ſont reſaiçts.* 27.4.

**A**Vec ce ſang copieuſement ieçté, grande quantité de la chaleur naturelle eſt deperdue & exhalée, tellement  
que

que le reste n'est suffisant pour cuire beaucoup de viâdes prinſes, lesquelles en ſarrestant longuement en l'eſtomach, engendrent cruditez, & de là prouiennent humidité & lubricité de uentre, qui dure au febricitant iuſques à ce que nature ſoit fortifiée.

*Quand au ſixieme iour d'une fieure continue  
uiennent rigueurs, ſ'enſuit un difficile, &  
mauuais iugement.* 29.4.

**R**igueurs aduenans aux iours non iudicatoires, doiuent eſtre ſuſpects, pource qu'ilz n'aduiennét pas par l'eſmotion de nature, mais plus toſt pour la malice de la maladie: certes une iudication, qui uient au ſixieme iour, doit eſtre grandemēt ſuſpecte, & ne peult on auoir bōne opiniō des malades: car ilz meurēt, ou la maladie eſt longue, ou ilz récheent avec grands & faſcheux ſymptomes, & ne peuuent ſe renforcer qu'avec grāde difficulté.

*Ceux ont une fièvre fascheuse & longue, ausquelz les accez reuiennent à mesme heure.*

30.4.

**E**N ce fault inferer, que la cause de la fièvre est stable, arrestee & cōfirmee. Or est, que toutes choses arrestees & confirmees ont besoing d'une grande uiolence pour les oster, & durent longuement. Parquoy ceste fièvre ne se terminera, que par le moyen de plusieurs & forts remedes, par long temps administrez.

*Ceux ont apostumes & amas d'humeurs aux ioinctures, & principalement aux extremittez des maschoires, & pres des oreilles, ausquelz adnient lassitude durant leur fièvre.*

31.4.

**E**Cy aduient pour la chaleur febrile, laquelle uient à esleuer quantité d'humeurs en hault, & iusques à la teste, lesquelz puis apres reçoient les maschoires, comme parties fort imbecilles, & qui



q̄ ne peuuēt reciproquemēt reiecter telz excremens sur les autres parties du corps.

*Les sueurs sont louables en fieures agues, quand elles viennent le troisieme, cinquieme, septieme. 9. 11. 14. 17. 21. 27. 31. & 34. iour: car elles iugent les maladies. Quand autrement aduiennent, elles signifiēt travail, douleur, longueur, & rencheute de maladie.*

36.4.

Toutes sueurs sont salubres & grãdement profitables en toutes fieures & maladies agues, quand elles viennent aux iours critiques & iudicatoires cy dessus denommez, & quand elles terminent la fieure. Au contraire, celles sont inutiles, qui ne sont de tel effect, & qui viennent autrement, que aux iours de crise.

*Sueurs froides en fieure ague signifiēt la mort: en plus remise, longueur de maladie. 37.4.*

Sueurs froides, en uehementes fieures, denotent qu'il y a grande abondance

H

d'humeurs au corps, & qu'elles sōt si froides, que ne peuuent estre eschaufees par la chaleur naturelle, ne par la chaleur de la fieure: dōt s'en suit extreme imbecillité, & extinction de nature. Quelque fois le febricitant eschappe en fieure remise, & plus douce, apres que telz humeurs sont cuiets, digerez, & surmontez par nature, en temps & lieu.

*Fieures continues au troisieme iour renforcies & fortifiees, sont dangereuses: en quelque maniere d'intermission que ce soit, elles sont sans danger.*

43.4.

Toutes continues sont plus dāgereuses, sans cōparaïson, que les intermittētes: les cōtinues ne permettēt grand repos à nature: elles baillent à souffrir non seulement à l'estomach, & ses parties nerveuses, mais aussi causent lethargies, affreuses ueilles, seicheresse de langue, de faillance de cueur. Fieures intermittētes,

tes, quelques accez qu'elles ayent, grand, ou petit, ne sont dangereuses : car la uertu se peult restaurer lors que le patient est hors de l'accez, & en l'intermission de fieure.

*Tubercules, gouttes, douleurs de ioinctures, aduiennent à ceux qui sont longuement detenus de fieures.*

44. 4.

**L**E plus souuent a lieu ceste sentence pour une abondance, grosseur & frigidité d'humeurs, causes d'une longue maladie, puisque lōg temps est requis à la concoction d'iceux. Bossetes, & tumeurs prouiennent de toutes parties du corps, quand la faculté ualide & puissante pousse iusques au cuir telles matieres : autrement cheent & tombent aux ioinctures, pource qu'elles ne peuuent issir par les pores & petis trous du corps, par lesquelz passent les sueurs.

H ij

*Ceux qui ont, apres longues fieures, quelques pustules, bossettes, ou douleurs de ioinctures, ilz mangent trop plus qu'ilz ne doiuent.*

45.4.

**I**L est raisonnable que telz accidens aduiennent à ceux qui se remplissent trop à coup : car la concoction ne se peult faire des uiandes prinſes oultre meſure & mediocrité. Parquoy neceſſairemēt amōcelent & accumulent pluſieurs excremēs, leſquelz excitēt tubercules, ſ'ilz ſont poulfes au cuir:ou douleurs & trauaux, quād deſcendent aux ioinctures.

*Rigueur ſuruenant à fieure continue (le malade eſtant deſia affoibly) ſignifie la mort.*

46.4.

**P**Ar ce iugeons grande imbecillité de nature, laquelle ayant de couſtume par rigueurs euacuer les mauuais humeurs, maintenāt ne peult ce faire, pour ce qu'elle eſt uaincue, & du tout eſteincte.

En

*En fieures continues crachas liuides, bleuastres, saigneux, fetides, & bilieux, sont mauvais.* 47. 4.

**C**Rachat liuide signifie mortification des parties, d'ou il uient: crachat sanguinolent signifie ouuerture des uaisseaux, laquelle prouient ou pour l'imbecillité desdicts uaisseaux, ou pour erosion faicte par les humeurs bilieux. Crachat fetide signifie grande putrefaction. Crachat bilieux signifie abondance de cholere pure en fieures continues.

*En fieures continues si les parties exterieures sont froides, & les interieures bruslent (le malade ayant soif) cela est mortel.* 48. 4.

**Q**Vand en fieures continues les parties exterieures sont froides, nous iugeons cela prouenir pour le default du sang, se retirant au dedans des uaisseaux. Et quand l'interiorité du corps brusle, c'est un indice d'une grande inflā-

mation aux uaisseaux, uers lesquelz se retire le sang, cōme englouty d'une uétofe.

*La mort est proche en fieures cōtinues, quād la leure, paulpieres et sourcilz, ou l'œil, ou nez est peruerty: quād le patient perd la ueue, ou l'ouye, le corps estāt desia affoibly. 49.4.*

**L**A tortuosité des parties susnommees se faict par la retraction des nerfs à leur origine & principe: & d'autant que plusieurs d'icelles tendēt à ce, de tant plus la mort est proche, mesmement quand le febricitāt a perdu la ueue, ou l'ouye, pour l'imbecillité de la faculté animale.

*Difficulté de respirer avec resuerie, en fieures continues, signe mortel. 50.4.*

**V**Ne fieure continue de foy, est assez suffisante pour abbatre la force du corps, sans les symptomes prealleguez. Courte haleine uient pour quelque passion des parties, lesquelles seruent à la respiration.

spiration. Resuerie uient, quād le cerueau  
a fort à souffrir.

*Abscez en fieures ne deliurans le patient  
aux premieres crises, denotent longueur de  
maladie . 51. 4.*

**L**ES maladies non rompues aux pre-  
miers iours iudicatoires, seront ne-  
cessairement longues, si d'auenture ne  
preuient la mort: car pour lors nature est  
grandement imbecille, ou la matiere pe-  
chante rebelle.

*Pleurer uolontairement en fieures, ou autres  
maladies, n'est chose estrange: mais pleurer  
oultre son uouloir, & par contraincte, c'est  
chose à craindre . 52. 4.*

**O**N pleure uolōtairement pour quel-  
que cause externe, comme pour la  
mort d'un amy, ou pour auoir perdu cho-  
se, laquelle nous estoit chere: mais quand  
on pleure sans uolonté, & sans quelque

propre affection, signifie que le cerueau est blessé, & que la uertu retéatrice est imbecille:parquoy ce n'est sans dāger, quād principalement tous autres signes pernicious y consentent & condescendent: autrement telz pleurs signifient plustost un flux de sang qui doit aduenir par le nez, que la mort. Et fault icy noter, que tous signes particulièrement prins de la faculté naturelle, sont de petit effect, filz ne sont alliez & ioinctz avec autres pernicious: en nombre, ilz peuuent quelque chose.

*Ceux ont fieures fortes & uehemētes, ausquelz suruiennent humeurs fort glueux à l'entour des dens.* 53. 4.

Ceste glutinosité prouient d'humiditez froides contenues en l'orifice de l'estomach, lesquelles esleuees en hault, & iusques aux dens, s'espaisissent pour la grande chaleur de la fieure qui les deseiche, & s'attachent en iceux.

*Ceux*



*Ceux ne s'ont pas beaucoup alterez, lesquelz ont en leur fieure chaulde une toux seiche, qui dure longuement, iasoit qu'elle ne soit uiolente .* 54. 4.

**C**E n'est à dire, q̄ les febricitās n'ayent soif, & qu'ilz ne soyent alterez, mais non pas beaucoup, ne tāt que la uehemēce de la maladie le requiert: uray est qu'ilz ne crachent rien, & ont toux seiche: car pour l'esmotion faicte en telles fieures ardentes, quelque humeur est attiré des parties proches, duquel sont abreueuz & mouillez les lieux attouchans le gosier.

*Toutes fieures, lesquelles prouiennent de bubōs, sont mauuaises, hors mis les diaires.*

55. 4.

**T**Elles fieures signifient les parties principales estre interessées, & grādemēt affectées, ueu qu'elles repoulsent loing les superfluitez, uoire iusques aux cines, prōptes à les receuoir. Les diaires sont exce-

prees, lesquelles de leur propre nature ne durent qu'un iour, ayans leur origine de quelque cause externe.

*S'il aduient que le febricitant sue souvent, sans que la fieure le laisse, c'est mauuais signe : car la maladie est prolongee, & denote grande humidité.* 56. 4.

Ceste sueur est mauuaise : car combien qu'elle ne termine la maladie, encore denote elle prorogation & prolongement d'icelle, pour une grande humidité que nature ne peult cuire, ne digerer en brief temps. Au contraire, la sueur est louable, laquelle, sans cōtraincte, prouiét au iour de crise, & faiét cesser la maladie.

*Quiconque a une fieure ardente, il est guarry, si rigueur luy suruient.* 58. 4.

LA cholere ( de laquelle prend son origine la fieure ardēte ) par une rigueur s'es pand soudainemēt par les parties sensibles

sibles du corps, apres tous signes de concoction, & au iour critique, les forces naturelles estās robustes : dont s'ensuit flux de uentre, uomissemens bilieux, sueurs, & en fin solution de la fieure, apres que ladicte cholere est euacuee, laquelle estoit au dedans des ueines.

*Vne fieure tierce uraye, & exquisse, pour le plus tard est terminee en sept accez. 59. 4.*

Nous auons inferé ceste sentence par cy deuant aux prognostiques des urayes tierces : pour plus grāde intelligēce de laquelle, nous disons que la crise en une fieure tierce, ne se faict pas selon le nombre des iours, mais selon le nombre des accez : car ce que peult un iour en fieures continues, l'accez peult es intermitentes. Et tout ainsi que le terme des trefagues est le septieme iour, semblablement le septième accez sera le terme des tierces intermittentes, puisque l'humeur causant

la fieure, n'est gros ne uisqueux, cōme aux quotidianes & quartes : ne cōsequēment copieux, parquoy facilement & briefuement est resolu & dissipé. D'abondant, tout ainsi qu'aux fieures trefagues la maladie se peult iuger au troisieme, quatrieme & cinquieme iour: semblablemēt en tierces se peult faire solution de la maladie au troisieme, quatrieme, ou cinquieme accez, sans que nature attende le septieme.

*Ceux qui sont deuenuz sourds en leur fieure, guarissent, sil leur uient flux de sang par le nez, ou flux de uentre.* 60. 4.

**O**N dict communement, que l'effect cesse, quand la cause est ostee, parquoy n'est de merueille, si telles passions cessent, quand les humeurs nuyfans & dommageables sont euacuez, ou transformez. Au reste, surdité uient pour la plus part d'une matiere bilieuse.

*Sila*

*Si la fièvre n'a laissé le febricitant aux iours critiques, elle a coustume de reprendre.*

61. 4.

**N**Ous auôs predict, que toutes crises faictes en iours diuers, & non critiques, sans l'euacuation insigne de l'humeur mauuais desia cuiët, sont suspectes: car telle iudication se faict par la uolence des symptomes, nō point par la loy de nature.

*Si la iaunisse surprēd le febricitant auant le septieme iour, c'est mauuais signe. 62. 4.*

**L**A iaunisse qui aduiēt auant le septieme iour, denote qu'il y a inflammation ou obstruction au foye, qui est un mauuais cas, car elle ne peult si tost uenir par uoye de crise: combien qu'elle sort aucunesfois par uoye de crise, quand nature espond & desgorge l'humeur bilieux par tout le corps, & principalement au cuyr.

*C'est chose bonne, quand en fieures agues la  
iaunisse uient au septieme iour, ou au 9.  
ou 11. ou 14 : pourueu qu'il n'y ait schirre  
au dextre hypochondre : si autrement ad-  
uient, c'est mauuais. 64. 4.*

**A**V parauāt a esté dict, que la iaunif-  
se qui suruiēt auāt le septieme iour,  
doit estre suspecte, & qu'elle tend à mau-  
uaise fin: mais celle qui apparoiſt apres le  
septieme, en iour de crise, est louable: car  
lors nature par uoye de crise desgorge au  
cuyr & peau la cholere, causant la fieure:  
pourueu aussi qu'il n'y ait schirre, inflam-  
mation, ou obstruction au foye: car lors  
aisément ne pourroit estre esmōdé, pur-  
gé, ny nettoyé le sang faiēt & engēdré au  
foye, ne la cholere transportee aux meatz  
propres à la receuoir, pour les uices sus-  
nommez. Parquoy necessairement seroit  
ladiēte cholere espanduē avec le sang par  
tout le corps, dont s'ensuyuroit iaunisse,  
mauuaise, & dangereuse maladie.

*Chaleur*

*Chaleur uehemēte d'estomach, mordication  
& pūction de cueur, en fieures uehemen-  
tes, c'est chose mauuaise. 65. 4.*

Ceste inflammation d'estomach pro-  
uient de cholere bouillante dedās les  
tuniques & mēbranes de l'estomach : dōt  
nécessairemēt aduient, que l'orifice d'ice-  
luy est mords & crucié, dequoy se plainēt  
grandement le malade, disant qu'il brusle  
en cest endroit. Au reste, si nous uoulons  
entendre par ceste pūction de cueur, un  
continuel & hastif mouuemēt du cueur,  
pareil à la palpitation d'iceluy, ce signific-  
ra un mal extreme, c'est à sçauoir la facul-  
té & uertu uitale estre en une grande in-  
flammation.

*Conuulsions & uehementes douleurs à l'en-  
tour des grands uaisseaux, sont pernicioeux  
en fieures agües. 66. 4.*

Ce passage s'entend des conuulsions  
qui prouiennent de siccité & inani-

tion, au moyen de l'ardeur uecheméte de la fieure, laquelle defeichât les nerfz (cōme feu) les estend, & retire: dont le plus fouuent pour telle inflammation & sicci-té, les uaisseaux, comme le foye, le cueur, le poulmon, la ratelle, & les reins en endurent, tellement que le febricitant uient à sentir grands douleurs à l'entour d'eux.

*Frayeurs, espouuãtemens, conuulsions, apres le dormir, sont mauuaises en fieures. 67.4.*

**E**ffraiz en fieures agues, apres le dormir, signifient quantité d'humeurs melancholiques greuans & remplissans la teste durant le sommeil: conuulsions denotēt multitude d'humeurs pituiteux.

*Vne respiration empeschee & arrestee en fieure, c'est mauuais signe, car elle signifie conuulsion. 68. 4.*

**V**Ne fieure ague & uehement, defeichant plus que de raison les muscles &



& nerfs mouuās la poictrine, engendre une cōuulsion: ce qu'on preuoit par une respiration empeschee & interrompue.

*Les quartanaires ne tōbent point en conuulsions : mais si auparauant la fièvre ilz en estoyent tourmentez, la fièvre quarte leur aduenant, ilz guarissent. 70. 5.*

**C**Onuulsion prouenant de plenitude, & d'humeurs froids lēts & pituiteux, qui remplissent abondamment les parties nerueuses, n'est tant dangereuse que celle qui uient d'inanition : c'est celle que la fièvre quarte ne permet s'engendrer en no<sup>9</sup>, ou qu'elle deliure & guarit quelquefois tāt par excretiō, que par coctiō : par excretion, moyennant rigueur : par coctiō, moyennant la chaleur febrile, qui succede à rigueur.

*Ceux qui sont abandonnez des medecins, ayās la peau longue, seiche & aride, meurent sans suer: ceux qui l'ont lasche & ra-*

*re, meurent avec sueur.* 71. 5.

**I**Lz meurent sans sueur, pour ce q̄ toute leur humidité est espuisée & tarie par la uehement chaleur de la fieure. Les autres meurent avec leur sueur: car il y a encore quelque humidité en la peau, laquelle sort au dehors par l'extreme imbecillité de la faculté retentrice.

*Resuerie suruiēt à ceux, qui en leur fieure ardente, ont grand tremblement.* 26. 6.

**C**E tremblement aduiēt, quand les humeurs nuisans (causes de la maladie) sont transferez des parties ueineuses aux nerueuses: apres ensuyuēt alienatiō d'esprit & resueries, pource q̄ le cerueau participant à l'affectiō, souffre & endure. Et tāt s'en fault que telles resueries appaisent la maladie, qu'elles luy pposent & intentēt plus grand danger: car ce q̄ suruiēt aux maladies, & ne deliure point la cōstitutiō d'icelles, ne guarit point le malade.

*Souffirs*

*Souffirs avec grāds gemissemens, sont dāge-  
reux en maladies agues avec fieure. 54. 6.*

**T**Elz souffirs demōstrēt durescé, & sic-  
cité des muscles & nerfs de la poiētri-  
ne, ou imbecillité de la uertu motrice, ou  
q̄lque affection dolorifique & cōuulsive.

*Froid des mains, piedz, nez, oreilles, & au-  
tres extremittez, est mauuais en fieures cō-  
tinues. I. 7.*

**F**Roid des extremittez sans cause ma-  
nifeste, signifie une uehementē inflā-  
mation de quelque partie interieure, cō-  
me du foye, ou de l'estomach, la chaleur  
duquel attire le sang à soy, comme feroit  
une uantose : au moyen dequoy les ex-  
tremittez deuiennēt froides, pour l'absen-  
ce du sang.

*Frissonner apres la sueur, n'est pas bon. 4. 7.*

**V**N frisson suruenant à une sueur fai-  
ctē au iour critique, denote mauuai-

se crise: car toutes les matieres nuisibles & malignes n'ont esté poulsees au dehors par la sueur, mais sont demeurees fichees, & attachees pres les parties sensibles.

*Vn bain guarit la fieure, moyennant qu'elle ne prouienne d'un humeur bilieux. 43. 7.*

**F**ieures ephemerres & hectiques peuuēt sentir quelque utilité, & bien souuēt estre guaries par un bain tiede, & aspersiō d'eau chaulde: car par la chaleur d'icelle les pores uiennēt à s'ouurir, par lesquels la chaleur estrangiere & contre nature trāspire & s'exhale, tellement q̄ tout le corps est refraischy. Il fault, au reste, entendre soubz ce nom de l'humeur bilieux, tous les autres humeurs, desquelz sōt engēdrees les fieures putrides, ausquelles ne peult estre salubre le bain, si premiere-ment n'y a signes de concoction, ou si les humeurs pechans ne sont euacuez.

*Siran-*

*Strangulation suruenant soudainement en une fieure uehemente, sans qu'il y ait aucune tumeur en la gorge, est mortelle.* 34. 4.

**I**L est dict en autre lieu, q̄ quād une strā-  
gulation suruient à l'homme, il meurt  
subitemēt. Parquoy si elle aduient en une  
grande fieure, il ne fault point auoir espe-  
rance de la santé du malade: car une fieure  
uehemēte a besoing de grand' respiration  
pour le rafraischissement du cuer, ayant  
par trop chauld: le serremēt & compres-  
sion des instrumēs, qui seruent à la respi-  
ration, se faiēt pour quelque inflātion  
qui est aux poulmōs, ou au gosier: ou les  
muscles d'iceluy sont tēduz par trop grā-  
de siccité, ueu qu'il n'y a aucune tumeur  
es gorges: car ou la tumeur apparoiſtroit  
au dehors, la chose seroit moins dange-  
reuse, pource que (cela aduenant) nature  
s'efforceroit de tout son pouuoir à deiet-  
ter les humeurs nuisibles des parties no-  
bles aux ignobles.

*Tortuosité du col en fièvre uehementé, avec  
grād' peine d'aualler sans aucune tumeur,  
c'est chose mortelle. 35. 4.*

**L**E col uient à se tortuer pour blessure  
& douleur de nerf, & tendons moyés  
entre le gosier & l'espine du dos. Diffi-  
culté d'aualler prouient d'une inflamma-  
tion des muscles anterieurs du gosier.

*Fieures agues & uehemētes uiennēt en grā-  
des seichereſſes: que si l'annee perseuere en  
telle constitution, il se fault attendre d'a-  
uoir beaucoup de telles maladies. 7. 3.*

**L'**Humidité de l'air engendre & amaf-  
ſe beaucoup d'humeurs pituiteux, &  
beaucoup de ſuperfluitez aqueuſes: la ſei-  
cheresse au cōtraire amafſe bien peu d'hu-  
meurs, mais ilz ſont plus bilieux: pour  
laquelle cauſe beaucoup moins de fie-  
ures ſ'engendrent, qu'en temps pluuiex:  
mais elles ſont plus agues. Par ainſi les ma-  
ladies.

ladies correspondent aux constitutions des temps.

*Femmes enceintes qui ont fieure, & deuiè-  
nēt maigres plus que de raison, elles enfan-  
tent avec difficulté & peril, & ne posent  
leur fruct sans danger.* 55. 5.

**A** Vn bon, & uigoureux enfantement,  
est requise force & uigueur de deux  
corps, c'est à sçauoir de la mere, & de l'en-  
fant. Or est, que la femme grosse ayant  
fieure, est imbecille, & grandement debi-  
le, tant pour la uiolence de la fieure, que  
pour un uiure legier, duquel ueult user  
pour perdre ceste fieure. L'enfant d'autre  
part ne peult endurer telle uehemen-  
ce de fieure, ne telle exacte raison de uiure: par-  
quoy nō sans cause sont tous deux en pe-  
ril. Quelquefois le fruct persiste, & dure  
iusques au temps de l'enfantement: mais  
pource qu'il est ualetudinaire (pour la lō-  
gueur de la maladie) & que la mere est

debile, non fans grand danger uient au monde.

*Vne femme enceinte, esprise d'une maladie ague, avec fieure continue, est en danger de mort.*

30. 5.

**I**'Ay bien uoulu adiouster ceste sentéce, pour oster la doute qu'on amaine tant souuent, touchant le uiure deu aux femmes enceintes, grandement debiles, surprises de maladie âgue, avec fieure continue. Deux indications se presentent en ce: l'une prinse du fruit, l'autre de la maladie. Et n'est le doute petit, à sçauoir mō, si en celles qui sont debiles, y a danger du fruit, & d'un auortissement, pour raison d'un uiure legier requis. Et au contraire, si pour un plein uiure la maladie accroist, & la mere est en danger, que fault il faire? Vault il mieux sauuer la mere q̃ le fruit? On ne pourroit mieux souhaïter, que de trouuer une maniere de uiure propre, & utile



utile à tous deux : mais puis qu'on ne peult, il uault mieux sauuer la mere: car si elle meurt, necessairemēt l'enfant mourra. Parquoy on aura plustost egard à l'indicatiō de la maladie, que celle du fruit: c'est à dire, qu'il uault mieux par un uiure extremement legier sauuer la mere, quelque danger qu'on puisse preuoir aduenir à l'enfant, que par un plein uiure perdre & la mere & le fruit.

## AVTRES SENTENCES

touchant le uiure.

*Il ne fault bailler à manger en l'accez de fièvre cōtinue, ny des intermittentes, car cela nuit.*

II. I.

**E**N une fièvre uehementē & ague, il ne fault bailler à māger, quād l'accez suruient, ou est desia uenu : de paour de destourner nature, laq̃lle lors uaque du tout à la coctiō de la maladie: trop biē en la re-

mission, ou intermissiõ, & quãd l'accez a cessé. Mais en defédât le mäger, il s'entéd si les forces du patiét, & la nature du corps le peuuét porter. Tout ce depéd de la prudence d'un bon medecin, lequel cognoist (ou doit cognoistre) le temps cõuenable, & qui peult suffire à la coctiõ des uiãdes, pour les luy donner quatre, cinq, ou six heures auant que l'accez uienne, selon la force ou imbecillité de son estomach.

*Il ne fault bailler à manger, ne contraindre manger ceux qui ont accèz par circuiz, & à certaines heures : plus tost leur fault substraire de leur manger deuant les crises.*

19 . I .

**L**A raison est, que si en l'accez on baille quelque chose au febricitât, le contrainât à ce, on faiçt croistre la cause du mal, & par ainsi on augmente la maladie. Parquoy on ne doit empescher nature, ne l'attraire & allicher à la concoction des uiandes,

uiandes, ou medicamens, lorsqu'elle doit  
tascher à surmonter le mal.

*Vn uiure humide est utile & profitable à  
tous ceux qui ont fieure.* 16. 1.

**V**EV que l'essence de fieure cōsiste(cō  
me nous auōs diēt) en chaleur cōtre  
nature plustost qu'en siccité, comment a  
faict seulement mētion Hippocrates en  
ceste sentēce, du uiure humide, & nō du  
froid? Il a faict en partie pour briefueté:  
partie aussi, à fin qu'on eust egard à ceste  
siccité, laq̃lle tousiours & necessairement  
accōpaigne la fieure, ou pource qu'elle est  
intemperature sur toutes autres mauuai-  
se: de cure & correctiō difficile, & incor-  
rigible. D'auantage, il faict seulemēt mē-  
tion d'humidité, & non du froid, pource  
que l'usance des choses froides est tresdā-  
gereuse. Le uiure donc humide, c'est à di-  
re humectant & refrigerant, potentielle-  
ment ou actuellement tel, profite grāde-

ment aux malades, ayans principalement fieures seules : car quand deux maladies sont conioinctes ensemble, comme hydropisie, & la fieure, pource que l'une demande choses chaudes & seiches, & l'autre choses froides & humides, il fault user d'une cure commune à tous deux, ou remedier & aller au deuât de celle, laquelle presse plus le patient, ne delaissant toutefois ce pendant la curation de l'autre : ou bien par mesme soing & diligence suruenir aux deux maladies ensemble.

## AVTRES SENTENCES

touchant les urines.

*Si en perseuerance de fieure les urines sont tousiours grosses, espesses, grumeleuses, en petite quantité, puis apres fluent copieuses, tenues & mediocres, cela profite: principalement quand en icelles des le commence-*  
ment,

*ment, ou tost apres la residence apparoit.*

69. 4.

**S**Ouuentefois en fieures, les urines se changent : au commencement elles sont tenues, claires & subtiles : en fin grosses, espesses, & lors la maladie descroist, & prend fin. Quelquefois elles sont grosses, espesses, au cōmencement, & perseuerance de fieure, & en petite quantité, ne pouuans lors passer par les destroicts des rongnons : puis apres sont copieuses, pour auoir esté arrestees, & lors la faculté alteratrice est fortifiée, & a tellement attenué iceux gros humeurs (d'ou prouient la fieure) que la plus grād' part est euacuee par les reins.

*Vn febricitant qui faict ses urines troubles, comme sont les urines de iumens, il a, ou aura, mal de teste.* 70. 4.

**I**L ne ueult inferer par ce, qu'en toutes douleurs de teste on doiue uoir tel-

les urines: car douleurs de teste en fieures, peuuēt aduenir de chaleur, avec laquelle un esprit uenteux est porté à la teste: ou d'une seule chaleur, ou cholere contenue au cerueau, ou en l'estomach. Quelquefois prouiennent d'abondāce d'humeurs opprimans la teste par une obstructiō de quelque partie, ou biē à cause d'un esprit flatueux engēdré en icelle partie: desquelz tous aucun ne peult rēdre une urine trouble. Mais les urines troubles, desq̄lles icy est faicte mention, prouiēnent d'une matiere grosse, espesse, flatueuse: laquelle agitée de chaleur se resould en un esprit flatueux, lequel promptement avec la chaleur est esleué en la teste. Et pour ceste cōturbation & euaporation d'humeurs les urines sont troubles, & demeurent telles, tant que la fieure perseuere.

*Hypoſtase farineuse en fieures, signifie lōgue maladie.*

31. 7.

Cecy

**C**Ecy s'entend de ceux qui ont les forces naturelles puissantes & robustes: car ceux qui sont debiles, & rēdent telles urines, meurent auant que la maladie ait plus longue traicte.

F I N.

PRIVILEGE.

**I**L est permis à Michel de Vascofan, Imprimeur & Libraire iuré en l'Vniuersité de Paris, d'imprimer & uēdre ce present liure ainsi intitulé, Raison de uiure pour toutes fieures, cōposé par Maistre Iean Lyege Medecin: & defendu à to<sup>r</sup> autres de n'imprimer ne uēdre en ce Royaume lediēt liure que de la presente impressiō, durāt le temps & terme de dix ans, cōmençans au iour qu'il sera acheué d'imprimer, sur peine de confiscation desdiētz liures, & d'amende arbitraire. Cōme plus amplement appert par le priuilege general ottroyé par le Roy audiēt de Vascofan.

M. D. LIII.



Mahieu.